

T 7930/1122 (1)

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY
AUG 27 1959

脈

經

晉太醫令王叔和著

脉

經

金閭龍紹山重梓

脈經序

大地有土脉有泉脉有山

脉而人有脉其象法地血

之府也心之合也皮之部

也資始於腎資生於胃陽

哈佛大學漢和
圖書館珍藏印

中之陰隨氣而至貌庶子
暴故而曰可活濟北才人
顏色不變而在死法中脈
誠然也或謂脈為四診之
末特其巧爾迺自古良醫

治疾未有不事診脈者義
皇開其傳和緩士安濟其
派扁鵲倉公華陀揚其波
而叔和匯其宗於燦哉叔
和之脈經也為卷凡十為

篇凡九十有七叙陰陽虛
實部位氣候如弦緊浮芤
之不同沈伏遲緩之互異
與數候俱見異病同脈種
為臚陳千古用之當十全

無一失其文詞道質沉雋
居然兩晉風流迨六朝高
陽生援經剽竊讀者便其
叶音喟然易向經遂以忽
忽不行而醫理嗣是日益

淺隱削天下之生機促僕
蚤之永算賴起而駁之者
代不乏若朱晦菴戴同甫
陳無擇滑伯仁吳草廬朱
丹溪諸先正或鄙其辭或

斥其人或揭其七表八裏
九道之非或折其以動為
陰以弦為陽之誤或排其
左心小腸肝膽腎右肺大
腸脾胃命之倒置而脈訣

稍負此經校於熈寧廣於
紹聖再布於嘉定漕司再
鏤於元泰定而叔和之真
始明嚶乎堪輿內尊紫而
遷朱市砥硤而剛璞贗者

售真者晦而贗竟晦真終
售也獨一脉經乎哉後世
又有太素脉書占及窮通
測及禍福術似逾於先喆
而不知墮於旁門竊以業

太素者不須師太素師風
鑑巫家而太素神已余茫
事舉子業雄心自擬仰蘄
壽國丙寅先子疾革延醫
診療尚唯云無恙而溘

焉長逝矣號傷欲絕恨弗
攻醫及讀禮至醫巫不三世
不服其藥謂古之醫師必
通於三世之書即三墳也
三墳不可得偶得是經恍

序六
乎見死生之故澌茫荒忽
莫可循而確有可據巫醫
虜隸高陽之不暇而能入
叔和之室決死生呼吸如
燭照數計耶雖然經迹也

而神明則人勿論叔視返
聽飛蚊之聲不挫乎其精
塵馬之形不搖乎其定索
象於罔象之表儼有耳為
提者彼秦醫診晉侯之脈

而知其良臣將亡夫良臣
之命乃見於晉侯之脉疑
聖疑神又叔和之所不容
彈悉者是經惡可少之而
果可泥之也哉

古鹿城沈際飛天羽父

題於鏡中行



聖疑神又



不容

彈悉 復外難中 行少之而

米 古 齊 知 此 刻 彙 天 師 父

脉經序

晉 太醫令王叔和撰

脉理精微。其體難辨。茲緊浮芤。展轉相類。在心
易了。指下難明。謂沈為伏。則方治永乖。以緩為
遲。則危殆立至。况有數候俱見。異病同脉者乎。
夫醫藥為用。性命所繫。和鵲至妙。猶或加思。仲
景明審。亦候形證。一毫有疑。則考校以求驗。故
傷寒有承氣之戒。嘔噦發下焦之問。而遺文遠
旨。代寡能用。舊經秘述。與而不售。遂令末學昧

於源本。牙滋偏見。各逞已能。致微疴成膏肓之變。滯固絕振起之望。良有以也。今撰集岐伯以來。逮於華陀。經論要訣。合爲十卷。百病根源。各以類例相從。聲色證候。靡不該備。其王。阮傳戴。吳葛呂張。所傳異同。咸悉載錄。誠能留心研窮。究其微曠。則可以比蹤古賢。代無夭橫矣。

宋按定脉經進呈劄子 一首

臣等承詔。典按古醫經方書。所按讎中。脉經一部。乃王叔和之所撰集也。叔和。西晉高平人。性度沈靖。尤好著述。博通經方。精意診處。洞識脩養之道。其行事具唐甘伯宗名醫傳中。臣等觀其書。叙陰陽表裏。辨三部九候。分人迎氣口神門。條十二經二十四氣。竒經八脉。以舉五藏六腑三焦四時之病。若網在綱。有條而不紊。使人占外以知內。視死而別生。

爲至詳悉。咸可按用。其文約。其事詳者。獨何哉。蓋其爲書。一本黃帝內經。間有疎略未盡處。而又輔以扁鵲仲景元化之法。自餘竒怪異端不經之說。一切不取。不如是。何以歷數千百年而傳用無毫髮之失乎。又其大較。以爲脉理精微。其體難辨。兼有數候俱見。異病同脉之惑。專之指下。不可以盡隱伏。而乃廣述形証。虛實詳明。聲色王相。以此參伍。決死生之分。故得十全無一失之繆。爲果不疑。然

而自晉室東渡。南北限隔。天下多事。於養生之書。實未遑暇。雖好事之家。僅有傳者。而承疑習非。將喪道真。非夫聖人曷爲釐正。恭惟主上體大舜好生之德。玩神禹叙極之文。惟錫福之良心。鑒慎疾之深意。出是古書。俾從新定。臣等各殫所學。博求衆本。據經爲斷。去取非私。大抵世之傳授不一。其別有三。有以隋巢元方時行病源爲第一卷者。考其時而繆自破。有以第五分上下卷而撮諸篇之文。

別增篇目者。推其本文而義無取。稽是二者。均之未覩厥真。各秘其所藏。爾今則考以素問九墟靈樞太素難經。甲乙仲景之書。并千金方。及翼說脉之篇。以校之。除去重複。補其脫漏。其篇第亦頗爲改易。使以類相從。仍舊爲一十卷。總九十七篇。施之於人。俾披卷者足以占外以知內。視死而別生。無待飲上池之水矣。國子博士高保衡。尚書屯田郎中孫奇。光祿卿直秘閣林億等。謹上。

熙寧元年七月十六日進呈奉

聖旨鏤板施行

假承務郎權醫學錄臣趙叔度校正

朝奉郎守國子博士同校正醫書上騎

都尉賜緋魚袋臣高保衡

朝奉郎守尚書屯田郎中同校正醫書

騎都尉賜緋魚袋臣孫奇

朝散大夫守光祿卿直秘閣判登聞檢

院上護軍臣林億

朝散大夫右諫議大夫參知政事護軍

長郡開國侯食邑一千一百

戶賜紫金魚袋臣王安石

推忠佐理功臣正奉大夫行右諫議大

夫參知政事上柱國南陽郡

開國侯食邑一千戶賜紫金

魚袋臣趙抃

推忠協謀同德守正亮節佐理翊戴功

臣開府儀同三司行尚書左

僕射兼門下侍郎同中書門

下平章事集賢殿大學士上

柱國魯國公食邑一萬一千

一百戶食實封三千八百戶

臣曾公亮

推忠協謀同德守正亮節佐理功臣開

府儀同三司行尚書左僕射

兼門下侍郎同中書門下平

章事昭文館大學士監修國

史兼譯經潤文使上柱國鄭國公食邑一萬一千戶食寶封四千二百戶臣富弼

宋刻脉經牒文一首

國子監准監關准尚書禮部符准紹聖元年六月二十五日勅中書省尚書省送到禮部狀據國子監狀據翰林醫學本監三學看治任仲言狀伏覩本監先准朝旨刊雕小字聖惠方等共五部出賣并每節鎮各十部餘

州各五部本處出賣今有千金翼方金匱要略方王氏脉經補註本草圖經本草算之皆醫家要用而不可闕本監雖見出賣皆是大字官本貧民難於辦錢請買兼外州軍尤不可得欲乞刊作小字重行校對出賣及降外州軍施行本部看詳欲依國子監申請事理施行狀候指揮六月二十三日奉聖旨依奉勅如右牒到奉行都省前批六月二十六日未時付禮部施行仍關合屬去處主者一依

勅命指揮施行

紹聖三年六月

日雕

集慶軍節度推官監國子監書庫向中恕
 承務郎監國子監書庫曾縑
 延平府臨真縣令監國子監書庫鄧平
 穎州萬壽縣令監國子監書庫郭直卿
 宣義郎國子監主簿王仲疑
 通直郎國子監丞武騎尉檀宗益
 朝散郎守國子監司業上輕車都尉賜飛魚袋趙挺之

朝奉郎守國子監司業兼侍講雲騎尉龔用

宋廣西漕司重刻脉經序 一首

碩少時母多病。課醫率不効。因自誓學為方。求古今醫書而窮其原。得所謂王叔和脉訣者。怪其詞俚而指淺。更訪老醫。得脉經十卷。蓋祖黃帝岐伯扁鵲經。以及於張氏傷寒論。條貫甚明。真王氏書也。驗之乃建本。自是求之建陽書坊。絕無鬻者。板亦不存。嘉定己巳歲。京城疫。朝旨命孔碩董諸醫治方藥以拯

氏病。因從醫學。求得脉經。復借各本校之。與予前後所見者。同一建本也。乃知脉訣出而脉經隱。醫者不讀。鬻者不售。板遂亦不存。今之俗醫。問以王氏書。則皆誦脉訣以對。蜀人史堪以儒生名。能依其所著方書。脾胃條引脉訣中語而議之曰。此叔和知之而未盡也。予每歎曰。冤哉叔和。如史載之之工。尚引訣而罪經。餘又何怪焉。因思今世俗醫。知有朱氏傷寒百問。而不知有傷寒論。俗儒知誦時文。而不知誦經史。其過一律也。因取所錄建本脉經。略改誤文。寫以大字。刊之。廣西漕司。庶幾學者。知有本原云。然恨無他本。可校以俟後之仁者。侯官陳孔碩序。

元刻脉經移文一首

皇帝聖旨。裏江西湖東道蕭政廉訪司來申。備龍興路醫學申教授謝縉翁關切。惟儒學以仁義立教。扶植綱常。使天下不犯刑憲。醫學以仁心立教。拯救疾病。使生民不

致天瘥。故醫之素問難經。與儒之六經。相
爲表裏。皆古聖人以利天下後世爲心者
也。醫經之中。王叔和脉經十卷。誠爲醫門
不易之法。如蒙將脉經刻布流傳。誠可裨
國朝好生之一端也。緣醫別無錢糧。如將上
項脉經於儒學內支用。有餘錢糧。刻布傳
遠。幸甚。保結關請照驗。准此申乞。照詳得
叅詳醫學申請刊雕脉經。若於合屬學院
有餘錢糧去處。約量撥支工價。顧匠刊雕

成書。從本司收貯印行。似爲便益。未敢懸
便。申乞照詳施行。得此准申憲司。合下仰
照驗不妨本職。從省計料。合用工匠物價
鈔。估體見數。就行龍興路學。羨餘子粒錢
內支撥刊雕。申司施行。須至指揮。

右下江西等處儒學提舉柳文林。准此
泰定四年六月初四日

中奉大夫江西湖東道肅政廉訪使朶列禿

元刻脉經序 二首

晉太醫令王叔和撰類脉經十卷。其言原本黃帝內經。靈樞素問。而翼之以扁鵲倉公華陀張仲景皇甫士安之論。稱其爲醫家之一經矣。今脉訣熟在人口。直謂叔和作。而不知叔和所輯者。脉經耳。當叔和時。蓋未有歌括之比。疑宋之中世。始次爲韻語。須便講習。撫其條肄。而忘其根節者也。熙寧中。有旨出內府所藏古醫經方書。命光祿卿林億等典領校讎。鏤板行世。而脉經與焉。朱文公於慶元

初。跋郭長陽醫書。謂俗間所傳脉訣。詞最鄙淺。非叔和本書。世之高醫。明其爲贗。遂委棄之。而獨有取於直指高骨爲關。分前卻爲寸尺。以定陰陽之位。爲合於難經。則脉經之傳已隱。雖文公亦似未知其正出脉經也。嘉定始元。上遡熙寧一百四十年。閩中陳孔碩。借得醫局建本。是書用閣本參訂互考。刻之廣西漕司。兵燹以來。板復不存。知者亦寡。况望其傳哉。予至江右之明年。與醫學教授謝君

縉翁論古書之廢。慨然欲以脉經刊置學宮。使人知古昔聖賢。開示醫道之源委。未嘗遺外於理者如此。間請於廉訪使師公。公曰。醫之有經。取以利人。利焉而傳。是焉可泯。子盍謀諸。會承命稽覆學食錢。得其羨贏。以屬宗濂書院山長董天衢。聚工計庸。付之剞劂。既月告成。其卷帙篇第。一用陳氏廣西之舊。而不敢輒加增損。志存古也。噫。古書廢缺。世未經見。奚獨此哉。惜予之心力。不能以徧及之。

而姑識其端。以俟世之君子。有發焉耳。元泰定四年秋九月二十五日東陽柳聲述。

醫家以切脉爲難事。自素問難經。及仲景書。皆論其要。至西晉王叔和。始彙集諸書。作脉經十卷。唐孫思邈著千金方。及翼方。取其書爲持脉法。今稱王叔和脉訣者。不知起於何時。惟陳無擇三因方序脉云。六朝時有高陽生者。剽竊作歌訣。劉元賓從而和之。其說似深知脉經者。而於篇後。又自著七表八裏九

道之名。則無擇。蓋亦未嘗詳讀脉經者也。按脉經論脉形狀。秘訣二十四種。初無表裏九道之目。其言芤脉云。中央空。兩邊實。又云減。則爲寒。芤則爲虛。寒虛相搏。婦人則半產漏下。男子則亡血失精。又云脉浮而芤。浮則爲陽。芤則爲陰。脉訣乃以芤爲七表之陽脉。仲景辨脉法云。脉浮大數動滑。陽也。脉沉澀弱。弦微陰也。而脉訣九道以動爲陰。七表以弦爲陽。似此之誤頗多。脉經則與仲景合。而經

中第十卷。分上下中央爲九道者。的然非歌訣九道之謂也。宋熙寧初。林億校正脉經序中。於脉訣未嘗見稱。陳孔碩序。始云脉訣出而脉經隱。愚疑脉訣。或熙寧以後人所作。是不可得知也。縉翁先世藏脉經官本。及廣西本。竊嘗誦而習之。後又得鄉人黃南牖家本。校讎無誤。竭來豫章。幸受知憲使師公。及儒學提舉柳先生。間請刻之。儒學以惠久遠。二公不鄙其言。慨然成之。自今而後。學者得見

是經。而用其心。則歌訣之舛者。不待辨而自見矣。經中頗有疑字。不敢輒改。辨而正之。姑俟後賢。泰定四年歲次丁卯閏九月既望龍興路醫學教授謝縉翁敬書

皇明福建承宣布政使司右叅政徐 付校脉

經手札

一首

此王氏脉經真本也。後依韻而成歌。不免牽綴一字失真。百身莫返。心竊痛之。頃從馬鍾翁老先生家得此本。不啻萬金。便欲梓播寰

中。但經文句解。參錯不分。字既纖細。中多模糊。萬一傳訛。所繫匪細。惟足下兼體好奇。博通羣藝。敬勞校正。大書登梓。是爲軒岐增一羽翼也。足下陰功豈微也哉。建初已達鄙意。想蒙亮答。友生徐中行頓首拜。煖撰景從袁先生足下。萬曆三年二月十日

脉經後序

西晉太醫令王叔和作脉經十篇凡十萬十千
餘言其首篇論著人脉有三部曰寸曰關曰尺
持脉之法大都二十有四種曰浮曰芤曰洪曰
滑曰數曰促曰弦曰緊曰沉曰伏曰革曰實曰
微曰瀦曰細曰軟曰弱曰虛曰散曰緩曰遲曰
結曰代曰動次本其所王五臟六腑陰陽榮衛
虛實順逆輕重從橫伏匿遲疾短長射人疾病
所起與其將差難已之候其第二第三第六篇

著人脉本五藏六腑十二經絡五藏曰肝爲厥
陰心爲手少陰脾爲足太陰肺爲手太陰腎爲
足少陰六腑曰膽爲足少陽小腸爲手太陽胃
爲足陽明大腸爲手陽明膀胱爲足太陽三膽
爲手少陽十二經之外又有奇經八脉曰陽維
曰陰維曰陽蹻曰陰蹻曰衝曰督曰任曰帶因
以各舉其陰陽之虛實形證之同異用爲施治
補瀉之方其第七篇論著治病之法大都有入
口汗曰吐曰下口溫曰炙曰刺曰火曰水察人

陰陽交并虛實生死損至以合治法可否之宜
第四篇五篇決四時百病生死之分本仲景扁
鵠華佗所以察聲色消息生死之理第八篇著
雜病醫宜第九篇平婦人童子其末篇有手檢
圖二十一部今觀其文則皆覆論十二經脉與
奇經八脉三部二十四種形證所屬無圖可見
豈叔和所著故有圖久不復傳耶乃宋臣林億
劄中則稱世之傳授其別有三有以隋巢元方
時行病源爲第十篇有以第五篇分上下而撮

全經之文別增篇目者億者據素問九墟靈樞
太素難經甲乙仲景諸書校其脫漏仍爲十篇
以傳則知末篇傳疑已久億但補正其文而所
謂手檢圖二十一部云者直存舊日無從考證
耳夫醫亦多術而切脉稱巧乃自古訖之矣神
聖不代生即粗工庸術亦難語巧脉書可廢哉
今讀岐黃內經仲景太素難經諸書尚矣其于
脉間出緒論未覩成書叔和生千載之後彙括
古今洞啓玄微旁喻曲證爰著是書爲切家指

南其衰然稱經宜爾其後三百餘年喜止而
作名醫傳亟稱叔和蓋是經行于世自晉迄唐
未始廢也五代高陽生始爲脉訣歌而經因掩
不行彼歌固緩經勦設以便饕工者今其所立
七表八裏九道之日即內外陰陽已大戾厥旨
他無論已世醫習之殺人何算哉宋熙寧中是
經復出秘閣歷元世已三授刻世終鮮用書亦
不傳夫醫一技耳復古之難尚爾可嘆也
表自
總中毋老多病已稍稍習乃脉嘗取俗所傳脉

訣讀之心弗善也及舉借計非上偶得是經顧
古本漫漶了不可讀又其經文訓解徃徃參錯
不分久之稍爲釐正試諸方脉輒驗間舉以語
醫醫都不省也會叅伯龍灣徐公出是本命校
蓋與表所藏同本受之黎然有當于心不揣敬
詳讀之訂繁亂芟重複正脫訛以所舊聞間爲
補註踰月編成公命餘俸刻布寰中嗟夫是編
爲世覆瓿復二百餘年于茲矣闡幽舉廢誠待
其人也乎哉雖然表竊有聞焉夫射與御小技

也飛律秦豆以其術鳴當時而聲稱後世誠得
其理也彼其視弓矢轡銜若衣與食然而其密
固乎百步之內迴旋進退于六馬之間者猶飢
之于食寒之于衣也其于弓之勁與矢之鉸鈍
馬之駑駿以至乎簫弣淵弭鏑括箠韃之需鍊
羈韁鞅輪轅輶轄之具其爲良惡端表堅脆工
苦皆可以目逆而神解也夫然後得之于侯應
之于矢得之于馬應之于轡得之于手應之于
心不以弦振不以策驅神閑體正百中不虛而

二十四蹄投之所適都無餘地此無他精之也
是故學射者弧幹未操必先以懸虱之視學御
者策緩未即必試以容足之木何者其操術誠
精則麤者不足辨也是經所稱方脉形候千狀
百態亦弓矢與銜轡之類也雖然貫武之視不
容瞬也容足之塗不可失也亦精之而已矣昔
蒲且之弋也弱弓纖繳乘風振之落雙鷁下雲
表詹何悟其術放而學釣夫射與御之法固醫
者之法也吾又安得乎悟弋而釣者與之言

脉經目錄

第一卷

脉形狀指下秘訣第一

平脉早晏法第二

分別三關境界脉候所主第三

辨尺寸陰陽榮衛度數第四

平脉視人大小長短男女逆順法第五

持脉輕重第六

兩手六脉所主五臟六腑陰陽逆順第七

辨腑臟病脉陰陽大法第八

辨脉陰陽大法第九

平虛實第十

從橫逆順伏匿脉第十一

辨災怪恐怖雜脉第十二

遲疾短長雜脉第十三

平人得病所起脉第十四

診病將差難已脉第十五

卷之二

平三閏陰陽二十四氣脉第一

平人迎神門氣口前後脉第二

平三關病候并治宜第三

平奇經八脉病第四 八脉為病不在十三經故以繫此卷之末

卷之三

肝膽部第一

心小腸部第二

脾胃部第三

肺大腸部第四

腎膀胱部第五

卷之四

辨三部九候脉証第一

平雜病脉第二

診五臟六腑氣絕證候第三

診四時相友脉第四

診損至脉第五

診脉動止投數死期年月第六

診百病死生訣第七

診三部脉虛實決死生第八

卷之五

張仲景論脉第一

扁鵲陰陽脉法第二

扁鵲脉法第二

扁鵲華陀察聲色要訣第四

扁鵲診諸反逆死脉要訣第五

卷之六

肝足厥陰經病証第一

膽足少陽經病証第二

心手少陰經病証第三

小腸手太陽經病証第四

脾足太陰經病証第五

胃足陽明經病証第六

肺手太陰經病証第七

大腸手陽明經病証第八

腎足少陰經病証第九

膀胱足太陽經第十

三焦手少陽經病証第十一

卷之七

病不可發汗証第一

病可發汗証第二

病發汗以後証第三

病不可吐証第四

病可吐証第五

病不可下証第六

病可下証第七

病發汗吐下以後証第八

病可溫証第九

病不可灸証第十

病可灸証第十一

病不可刺証第十二

病可刺証第十三

病不可水証第十四

病可水証第十五

病不可火証第十六

病可火証第十七

熱病陰陽交并少陰厥逆陰陽竭盡生死

証第十八

重實重虛陰陽相附生死証第十九

熱病生死期日証第二十

熱病十逆死日証第二十一

熱病五藏氣絕死日証第二十二

熱病至脉死日証第二十三

熱病損脉死日証第二十四

卷之八

平卒尸厥脉証第一

平瘧濕腸脉証第二

平陽毒陰毒百合狐惑脉証第三

平霍亂轉筋脉証第四

平中風歷節脉証第五

平血痺虛勞脉証第六

平消渴小便利淋脉証第七

平水氣黃汗氣分脉証第八

平黃疸寒熱瘧脉証第九

平胸痺心痛短氣賁脉証第十

平腹滿寒疝宿食脉証第十一

平五藏積聚脉証第十二

平驚悸衄吐下血胸滿瘀血脉証第十三

平嘔噦下利脉証第十四

平肺痿肺癰欬逆上氣淡飲脉証第十五

平癰腫腸癰金瘡浸淫脉証第十六

卷之九

脈經 目錄 五 八十七

平妊娠分別男女將產証第一

平妊娠胎動血分水分吐下腹痛証第二

平產後諸証鬱胃中風發熱煩嘔下利証

第三

平帶下絕產無子亡血居經証第四

平鬱胃五崩漏下經閉不利腹中諸病証

第五

平咽中如有炙腐喜悲熱入血室腹滿証

第六

平陰中寒轉胞陰吹陰生瘡脫下証第七

平婦人病生死証第八

平小兒雜病証第九

卷之十

手檢圖二十一部

脈形狀指下秘訣第一

脈經目錄終

脈經

目錄

七

脉經卷之一

晉 太醫令王叔和編輯

明 晉安 袁 表類校

鹿城 沈際飛重訂

雲林 龔居中鑒定

脉形狀指下秘訣第一 二十四種

浮脉舉之有餘按之不足 浮於手下

芤脉浮大而軟按之中央空兩邊實 一日手中無兩傍有

洪脉極大在指下 一日浮而大

滑脉往來前却流利展轉替替然與數相似

浮中如有力一曰漉漉如欲脫

數脉去來促急一曰一息六七至一曰數者進之名

促脉來去數時一止復來

弦脉舉之無有按之如弓弦狀一曰如張弓弦按之不移

緊脉數如切繩狀一曰如轉索之無常

沈脉舉之不足按之有餘一曰重按之乃得

伏脉極重指按之着骨乃得一曰手下裁動一曰按之不足舉之

無有。一曰鬲上沈不出名曰伏

革脉有似沈伏實大而長微弦千金翼以革為率

實脉大而長微強按之隱指幅幅然一曰沈浮皆得

微脉極細而軟或欲絕若有若無一曰小也一曰浮而薄一曰按之如欲盡

日浮而薄一曰按之如欲盡

瀦脉細而遲往來難且散或一止復來一曰浮而短一

日短而止或曰散也

細脉小大於微常有但細耳

軟脉極軟而浮細一曰按之無有舉之有餘一曰小而軟軟亦作濡曰濡者

如帛衣在水中輕手相得

弱脉極軟而沈細按之欲絕指下一日按之乃得舉之無有

虛脉遲大而軟按之不足隱指豁豁然空

散脉大而散散者氣實血虛有表無裏

緩脉去來亦遲一日浮大而軟陰浮與陽同等

遲脉呼吸三至去來極遲一日舉之不足按之盡牢一日按之盡牢

舉之無有

結脉往來緩時一止復來按之來緩時一止者名結陽初來動止更

來小數不能自還舉之則動名結陰

代脉來數中止不能自還因而復動脉結者生

代者死

動脉見於關上無頭尾大如豆厥厥然動搖傷寒

論云陰陽相搏名曰動陽動則汗出陰動則發熱形冷惡寒數脉見於關上上下無頭尾如豆

大厥厥動搖者名曰動

浮與芤相類與洪相類弦與緊相類革與實相類千金

翼云牢與實相類滑與數相類沈與伏相類微與濇相

類軟與弱相類緩與遲相類

平脉早晏法第二條

黃帝問曰夫診脉常以平旦何也岐伯對曰平

旦者陰氣未動。陽氣未散。飲食未進。經脈未盛。絡脈調均。血氣未亂。故乃可診。過此非也。千金同素有餘不足。六腑強弱。形之盛衰。以此參伍。決死生之分。

分別三關境界。脈候所主第三。一條

從魚際至高骨。其骨自高却行一寸。其中名曰寸口。

從寸至尺。名曰尺澤。故曰尺寸。寸後尺前。名曰關。陽出陰入。以關為界。陽出三分。陰入三分。故

曰三陰三陽。陽生於尺。動於寸。陰生於寸。動於尺。寸主射上焦。出頭及皮毛。竟手。關主射中焦。腹及腰。尺主射下焦。少腹至足。

辨尺寸陰陽榮衛度數第四。凡三條

夫十二經皆有動脈。獨取寸口。以決五藏六腑死生吉凶之候者。何謂也。然寸口者。脈之大會。手太陰之動脈也。人一呼脈行三寸。一吸脈行三寸。呼吸定息。脈行六寸。人一日一夜凡一萬三千五百息。脈行五十度。周於身。漏水下百刻。

榮衛行陽二十五度行陰亦二十五度爲一周
天時也故五十度而復會於手太陰太陰者寸
口也卽五臟六腑之所終始故取法於寸口
脉有尺寸何謂也然尺寸者脉之大會要也從
關至尺是尺內陰之所治也從關至魚際是寸
口內陽之所治也故分寸爲尺分寸爲寸故陰
得尺內一寸陽得尺內九分寸終始一寸九
分故曰尺寸也

脉有太過有不及有陰陽相承有覆有溢有關
有格何謂也然關之前者陽之動也脉當見九
分而浮過者法曰太過減者法曰不及遂上魚
爲溢爲外關內格此陰乘之脉也關之後者陰
之動也脉當見一寸而沈過者法曰太過減者
法曰不及遂入尺爲覆爲內關外格此陽乘之
故曰覆溢是真藏之脉也人不病自死

平脉視人大小長短男女逆順法第五條
凡診脉當視其人大小長短及性氣緩急脉之
遲速大小長短皆如其人形性者則吉反之者

則為逆也。脉三部大都欲等。至如小人婦人細人脉小軟。小兒四五歲脉呼吸入至細數者吉。

千金翼云。人大而脉細。人細而脉大。人樂而脉實。人苦而脉虛。性急而脉緩。性緩而脉躁。人壯而脉細。人羸而脉大。此皆為逆。逆則難治。反此為順。順則易治。凡婦人脉常欲濡弱於丈夫。小兒四五歲者脉自駛疾。呼吸入至也。男左大為順。女右大為順。肥人脉沈。瘦人脉浮。

持脉輕重法第六 一條

脉有輕重者。何謂也。然初持脉如三菽之重。與皮毛相得者。肺部也。菽者。小豆。言脉輕。如三小豆之重。浮之在皮毛之間。者。肺氣所行。故言肺部也。如六菽之重。與血脉相得者。心部也。心主血脉。次於肺。如六豆之重。如九菽之重。與脾部也。脾在中央。主肌肉。故次。心。如九豆之重。如十一菽之重。與筋平者。肝部也。肝主筋。又在脾下。故次之。按之至骨舉之來疾者。腎部也。腎主骨。其脉沉至骨。故曰輕重也。

兩手六脉所主五臟六腑陰陽逆順第七 凡七條

脉法讚云。肝心出左。脾肺出右。腎與命門俱出尺部。魂魄毅神皆見寸口。左主司官。右主司府。左大順男。右大順女。關前一分。人命之主。左為

人迎。右爲氣口。神門訣斷。兩在關後。人無二脉。病死不愈。諸經損減。各隨其部。察按陰陽。誰與

先後。千金云三陰三陽誰先誰後。陰病治官。陽病治府。奇邪

所舍如何。捕捉。審而知者。鍼入病愈。

心部在左手關前寸口是也。即手少陰經也。與

手太陽爲表裏。以小腸合爲府。合於上焦。名曰

神庭。在龜尾。一作鳩尾。五分。

肝部在左手關上是也。足厥陰經也。與足少陽

爲表裏。以膽合爲府。合於中焦。名曰胞門。一作

在大倉左右三寸。

腎部在左手關後尺中是也。足少陰經也。與足

太陽爲表裏。以膀胱合爲府。合於下焦。在關元

左。

肺部在右手關前寸口是也。手太陰經也。與手

陽明爲表裏。以大腸合爲府。合於上焦。名呼吸

之府。在雲門。

脾部在右手關上是也。足太陰經也。與足陽明

爲表裏。以胃合爲府。合於中焦。脾胃之間。名曰

帝門。在季肋下前一寸半。

腎部在右手關後尺中是也。足少陰經也。與足太陽為表裏。以膀胱合為府。合於下焦。在關元右。左屬腎。右為子戶。名曰三焦。

辨臟腑病脉陰陽大法第八

凡一條

脉何以知臟腑之病也。然數者腑也。遲者臟也。數即有熱。遲即生寒。諸陽為熱。諸陰為寒。故別知臟腑之病也。

腑者陽故其脉數。臟者陰故其脉遲。陽行遲病則數。陰行疾病

則遲

脉來浮大者。此為肺脉也。脉來沉滑堅如石。腎脉也。脉來如弓弦者。肝脉也。脉來疾去遲。心脉也。脉來當見而不見為病。病有淺深。但當知如何受邪。

辨脉陰陽大法第九

凡十條

脉有陰陽之法。何謂也。然呼出心與肺。吸入腎與肝。呼吸之間。脾受穀味也。其脉在中。浮者陽也。沉者陰也。故曰陰陽。

心肺俱浮。何以別之。然浮而大散者。心也。浮而

短濇者。肺也。腎肝俱沉。何以別之。然平而長者。肝也。按之奕。舉指來實者。腎也。脾者中州。故其脉在中。千金翼云。遲緩而長者。脾也。是陰陽之脉也。

脉在陽盛陰虛。陰盛陽虛。何謂也。然浮之損小。沈之實大。故曰陰盛陽虛。沈之損小。浮之實大。

故曰陽盛陰虛。是陰陽虛實之意。陽脉見寸口浮而實大。今

減而小。故陽虛。按之反實大。故陰盛。

經言脉有一陰一陽。一陰二陽。一陰三陽。有一陽一陰。一陽二陰。一陽三陰。如此言之。寸口有

六脉俱動耶。然經言如此者。非有六脉俱動也。

謂浮沉長短滑濇也。浮者陽也。滑者陽也。長者

陽也。沉者陰也。濇者陰也。短者陰也。所以言一

陰一陽者。謂脉來沉而滑也。一陰二陽者。謂脉

來沉滑而長也。一陰三陽者。謂脉來浮滑而長。

時一沉也。所以言一陽一陰者。謂脉來浮而濇

也。一陽二陰者。謂脉來長而沉濇也。一陽三陰

者。謂脉來沉濇而短。時一浮也。各以其經所在

名病之逆順也。

凡脉大爲陽。浮爲陽。數爲陽。動爲陽。長爲陽。滑爲陽。沉爲陰。濇爲陰。弱爲陰。弦爲陰。短爲陰。微爲陰。是爲三陰三陽也。陽病見陰脉者。反也。主死。陰病見陽脉者。順也。主生。關前爲陽。關後爲陰。陽數則吐血。陰微則下利。陽弦則頭痛。陰弦則腹痛。陽微則發汗。陰微則自下。陽數口生瘡。陰數加微。必惡寒而煩撓不得眠也。陰附陽則狂。陽附陰則癲。得陽屬腑。得陰屬臟。無陽則厥。無陰則嘔。陽微則不能呼。陰微則不能吸。呼吸不足。胸中短氣。依此陰陽。以察病也。

寸口脉浮大而疾者。名曰陽中之陽。病苦煩滿。身熱。頭痛。腹中熱痛。寸口脉沉細者。名曰陽中之陰。病苦悲傷不樂。惡聞人聲。少氣。時汗出。陰氣不通。臂不能舉。尺脉沉細者。名曰陰中之陰。病苦兩脛酸疼。不能久立。陰氣衰。小便餘瀝。陰下濕癢。

尺脉滑而浮大者。名曰陰中之陽。病苦小腹痛。滿。不能溺。溺卽陰中痛。大便亦然。

尺脉牢而長。關上無有。此爲陰干陽。其人苦兩脛重。少腹引腰痛。

寸口脉壯大。尺中無有。此爲陽干陰。其人苦腰背痛。陰中傷。足脛寒。

夫風傷陽。寒傷陰。陽病順陰。陰病逆陽。陽病易治。陰病難治。在腸胃之間。以藥和之。若在經脉之間。鍼灸病已。

平虛實第十

凡三條

人有三虛三實。何謂也。然有脉之虛實。有病之虛實。有診之虛實。脉之虛實者。脉來與者爲虛。牢者爲實。病之虛實者。出者爲虛。入者爲實。言者爲虛。不言者爲實。緩者爲虛。急者爲實。診之虛實者。癢者爲虛。痛者爲實。外痛內快爲外實。內虛。內痛外快爲內實。外虛。故曰虛實也。

問曰。何謂虛實。答曰。邪氣盛則實。精氣奪則虛。何謂重實。所謂重實者。言大熱病。氣熱脉滿。是謂重實。

問曰。經絡俱實如何。何以治之。答曰。經絡皆實。

是寸脉急而尺緩也。當俱治之。故曰滑則順。澹則逆。夫虛實者皆從其物類治。五臟骨肉滑利。可以長久。

從橫逆順伏匿脉第十一

凡二條

問曰。脉有相乘。有從有橫。有逆有順。何謂也。師曰。水行乘火。金行乘木。名曰從。火行乘水。木行乘金。名曰橫。水行乘金。火行乘木。名曰逆。金行乘水。木行乘火。名曰順。

經言脉有伏匿者。伏匿於何藏而言伏匿也。然謂陰陽更相乘。更相伏也。脉居陰部。反見陽脉者。爲陽乘陰也。脉雖時沉澹而短。此陽中伏陰也。脉居陽部。反見陰脉者。爲陰乘陽也。脉雖時浮滑而長。此爲陰中伏陽也。重陰者癰。重陽者狂。脫陽者見鬼。脫陰者目盲。

辨災怪恐怖雜脉第十二

凡六條

問曰。脉有殘賊。何謂。師曰。脉有弦有緊。有澹有滑。有浮有沉。此六脉爲殘賊。能與諸經作病。

問曰。嘗爲人所難。緊脉何所從而來。師曰。假令

亡汗若吐。肺中寒。故令緊。假令欬者。坐飲冷水。故令緊。假令下利者。以胃中虛冷。故令緊也。

問曰。翁奄沉名曰滑。何謂。師曰。沉爲純陰。翁爲正陽。陰陽和合。故脉滑也。

問曰。脉有災怪。何謂。師曰。假令人病。脉太陽。病形症相應。因爲作湯。比還送湯之時。病者因反吐。若下利病。腹中痛。因問言我前來脉時。不見此症。今反覆變異。故是名爲災怪。因問何緣作此吐利。答曰。或有先服藥。今發作。故爲災怪也。

問曰。人病恐怖。其脉何類。師曰。脉形如循絲。累累然。其面白脫色。

問曰。人媿者。其脉何等類。師曰。其脉自浮而弱。面形乍赤。呼赤。

問曰。人不能飲。其脉何類。師曰。其脉自弦而緩。乾燥也。

言遲者。風也。搖頭言者。其裏痛也。行遲者。其表彊也。坐而伏者。短氣也。坐而下一膝者。必腰痛。裏實護腹如懷卵者。必心痛。

師持脉病人欠者無病也脉之因伸者無病也

一曰呻者病也假令向壁卧聞師到不驚起而目盼視

一云反若三言三止脉之咽垂此為詐病假令

脉自和處言此病太重當須服吐下藥針灸數

十百處乃愈 疑有關文

遲疾短長雜脉法第十三 凡三條

黃帝問曰余聞胃氣手少陽三焦四時五行脉

法夫人言脉有三陰三陽知病存亡脉外以知

內尺寸大小願聞之岐伯曰寸口之中外別浮

沉前後左右虛實死生之要皆見寸口之中脉

從前來者為實邪從後來者為虛邪從所不勝

來者為賊邪從所勝來者為微邪自愈 一作得者為正

邪外結者病癰腫內結者病疝瘕也間來而急

者病正在心癰氣也脉來疾者為風也脉來滑

者為病食也脉來滑燥者病有熱也脉有澀者

為病寒濕也脉逆順之道不與衆謀

師曰夫呼者脉之頭也初持之來疾去遲此為

出疾入遲為內虛外實初持脉來遲去疾此為

出遲入疾為內實外虛也

脉數則在府遲則在臟脉長而弦病在肝

扁鵲云病

出於肝

脉小血少病在心

扁鵲云脉大而洪病出於心

脉下堅

上虛病在脾胃

扁鵲云病出於脾胃

脉滑

一作

而微浮病

在肺

扁鵲云病出於肺

脉大而堅病在腎

扁鵲云小而緊

脉滑

者多血少氣脉澀者少血多氣脉大者血氣俱

多又云脉來大而堅者血氣俱實脉小者血氣

俱少又云脉來細而微者血氣俱虛沉細滑病

者熱遲濇為寒

又云洪數滑疾為熱濇遲沉細為寒

脉盛滑緊者

病在外熱脉小實而緊者病在內冷脉小弱而

濇謂之久病脉滑浮而疾者謂之新病脉浮滑

其人外熱風走刺有飲難治脉沉而緊上焦有

熱下寒得冷即便下脉沉而細下焦有寒小便

數時苦絞痛下利重脉浮緊且滑直者外熱內

冷不得大小便脉洪大緊急病速進在外苦頭

發熱癰腫脉細小緊急病速進在中寒為疝瘕

積聚腹中刺痛脉沉重而直前絕者其病血在

腸間脉沉重而中散者因寒食成瘕脉直前而

中散絕者病消渴

一云病侵淫痛

脉沉重前不至寸口

徘徊絕者病在肌肉遁尸脉左轉而沉重者氣

癥陽在胸中脉右轉出不至寸口者內有肉癥

脉累累如貫珠不前至有風寒在大腸伏留不

去脉累累中止不至寸口軟者結熱在小腸膜

中伏留不去脉直前左右彈者病在血脉中胚

血也脉後而左右彈者病在筋骨中也脉前大

後小即頭痛目眩脉前小後大即胸滿短氣上

部有脉下部無脉其人當吐不吐者死上部無

脉下部有脉雖困無所苦夫脉者血之府也長

則氣治短則氣病數則煩心大則病進上盛則

氣高下盛則氣脹代則氣衰細則氣少

太素細作滑

濇則心痛渾渾革革至如涌泉病進而危癉癉

綽綽其去如弦絕者死短而急者病在上長而

緩者病在下沉而弦急者病在內浮而洪大者

病在外脉實者病在內脉虛者病在外在上為

表在下為裏浮為在表沉為在裏

平人得病所起第十四

九十五條

何以知春得病無肝脉也無心脉夏得病無肺脉秋得病無腎脉冬得病無脾脉四季之月得病

假令肝病者西行若食鷄肉得之當以秋時發得病以庚辛日也家有腥死女生見之以明要為災不者若感金銀物得之

明要二字疑誤

假令脾病東行若食雉兔肉及諸木果實得之不者當以春時發得病以甲乙日也

假令心病北行若食豚魚得之不者當以冬時發得病以壬癸日也

假令肺病南行若食馬肉及麋鹿肉得之不者當以夏時發得病以丙丁日也

假令腎病中央若食牛肉及諸土中物得之不者當以長夏時發得病以戊巳日也

假令得王脉當於縣官家得之

假令得相脉當於嫁聚家得之或相慶賀者得之

假令得胎脉當於產乳家得之

假令得囚脉。當於囚徒家得之。
假令得休脉。其人素有宿病。不治自愈。
假令得死脉。當於死喪家感傷得之。
何以知人露卧得病。陽中有陰也。
何以知人夏月得病。諸陽入陰也。
何以知人食飲中毒。浮之無陽。微細之不可知也。
但有陰脉來疾去疾。此相爲水氣之毒也。脉遲者。食乾物得之。

診病將差難已脉第十五

九二條

問曰。假令病人欲差。脉而知愈。何以別之。師曰。寸關尺大小遲疾浮沉同等。雖有寒熱不解者。此脉陰陽爲平復。當自愈。小腸脉也。若臍痺。小
人病。其寸口之脉與人迎之脉大小反浮沉等者。病難已。
掌後橫理中。即大陵。

脉經卷之二

平三關陰陽二十四氣脉第一

條 九 二十四

左手關前寸口陽絕者無小腸脉也苦臍痺小
腹中有癥瘕王月即冷上搶心刺手心主經治
陰心主在掌後橫理中即太陵穴也

左手關前寸口陽實者小腸實也苦心下急痺

一作急痛小腸有熱小便赤黃刺手太陽經治陽一作

手少陽者非太陽在手小指外側本節陷中即後谿穴也

左手關前寸口陰絕者無心脉也苦心下毒痛

掌中熱時時善嘔。口中傷爛刺手太陽經。治陽。
左手關前寸口陰實者。心實也。苦心下有水氣。
憂慧發之。刺手心主經。治陰。

左手關上陽絕者。無膽脉也。苦膝疼。口中苦。眯
目。善畏如見鬼狀。多驚少力。刺足厥陰經。治陰。
在足大指間。即行間穴也。或刺三毛中。

左手關上陽實者。膽實也。苦腹中實不安。身軀
習習也。刺足少陽經。治陽。在足上第二指本節
後一寸。第二指當云小指次指即臨泣穴也。

左手關上陰絕者。無肝脉也。苦癢遺溺難言。脊
下有邪氣善吐。刺足少陽經。治陽。

左手關上陰實者。肝實也。苦肉中痛動。善轉筋。
刺足厥陰經。治陰。

左手關後尺中陽絕者。無膀胱脉也。苦逆冷。婦
人月使不調。王月則閉。男子失精。尿有餘瀝。刺
足少陰經。治陰。在足內踝下動脉。即太谿穴也。

左手關後尺中陽實者。膀胱實也。苦逆冷。脅下
有邪氣相引痛。刺足太陽經。治陽。在足小指外

側本節後陷中。即刺骨穴也

左手關後尺中陰實者無腎脉也苦足下熱兩

髀裏急精氣竭少勞倦所致刺足太陽經治陽

左手關後尺中陰實者腎實也苦恍惚健忘目

視眈眈耳聾悵悵善鳴刺足少陰經治陰

右手關前寸口陽絕者無大腸脉也苦少氣心

下有水氣立秋節即刻刺手太陰經治陰在魚

際間。即大淵穴也

右手關前寸口陽實者大腸實也苦腸中切痛

如錐刀所刺無休息時刺手陽明經治陽在手

腕中。即陽谿穴也

左手關前寸口陰絕者無肺脉也苦短氣欬逆

喉中塞噫逆刺手陽明經治陽

右手關前寸口陰實者肺實也苦少氣胸中滿

彭彭與肩相引刺手太陰經治陰

右手關上陽絕者無胃脉也苦吞酸頭痛胃中

有冷刺足太陰經治陰在足大指本節後一寸

即公孫穴也

脉經

卷二

三

右手關上陽實者胃實也。苦腸中伏伏。一作不

思食物。得食不能消。刺足陽明經。治陽。在足上

動脈。即衝陽穴也

右手關上陰絕者。無脾脈也。苦少氣下利。腹滿

身重。四肢不欲動。善嘔。刺足陽明經。治陽。

右手關上陰實者。脾實也。苦腸中伏伏如堅狀

大便難。刺太陰經。治陰。

右手關後尺中陽絕者。無子。戶脈也。苦足逆寒。

絕產帶下。無子。陰中寒。刺足少陰經。治陰。

右手關後尺中陽實者。膀胱實也。苦少腹滿引

腰痛。刺足太陽經。治陽。

右手關後尺中陰絕者。無腎脈也。苦足逆冷。上

搶胃痛。夢入水。見鬼。善厭寐。黑色物來掩人。上

刺足太陽經。治陽。

右手關後尺中陰實者。腎實也。苦骨痛。腰脊痛

內寒熱。刺足少陰經。治陰。

平人迎神門氣口前後脈第二條。凡三十六

心實

左手寸口人迎以前脉陰實者。手厥陰經也。病苦閉。大便秘。腹滿。四肢重。身熱苦。胃脹。刺三里。

心虛

左手寸口人迎以前脉陰虛者。手厥陰經也。病苦悸。恐不樂。心腹痛。難以言。心如寒。狀恍惚。

小腸實

左手寸口人迎以前脉陽實者。手太陽經也。病苦身熱。熱來去。汗出一作汗而煩。心中滿。身重。

口中生瘡。

小腸虛

左手寸口人迎以前脉陽虛者。手太陽經也。病苦顛際偏頭痛。耳頰痛。

心小腸俱實

左手寸口人迎以前脉陰陽俱實者。手少陰與太陽經俱實也。病苦頭痛。身熱。大便秘。心腹煩。滿不得卧。以胃氣不轉。水穀實也。

心小腸俱虛

左手寸口人迎以前脉陰陽俱虛者。手少陰與太陽經俱虛也。病苦寒。少氣。四肢寒。腸澼。

肝實

左手關上脉陰實者。足厥陰經也。病苦心下堅滿。常兩脅痛。自忿忿如狀。

肝虛

左手關上脉陰虛者。足厥陰經也。病苦脅下堅寒。熱腹滿。不欲飲食。腹脹悒悒不樂。婦人月經不利。腰腹痛。

膽實

左手關上脉陽實者。足少陽經也。病苦腹中氣滿。飲食不下。咽乾。頭重痛。洒洒惡寒。脅痛。

膽虛

左手關上脉陽虛者。足少陽經也。病苦眩。厥痿。足指不能搖。躄坐不能起。僵仆。目黃。失精。眩暈。

肝膽俱實

左手關上脉陰陽俱實者。足厥陰與少陽經俱實也。病苦胃脹。嘔逆。食不消。

肝膽俱虛

左手關上脉陰陽俱虛者足厥陰與少陽經俱虛也。病苦恍惚尸厥。不知人妄見少氣不能言時時自驚。

腎實

左手尺中神門以後脉陰實者足少陰經也。病苦膀胱脹閉少腹與腰脊相引痛苦舌燥咽腫心煩噎乾骨脅時痛喘咳汗出小腹脹滿腰背強急。體重骨熱小便赤黃好怒好忘足下熱疼

四肢黑耳聾

腎虛

左手尺中神門以後脉陰虛者足少陰經也。病苦心中悶下重足腫不可以按地

膀胱實

左手尺中神門以後脉陽實者足太陽經也。病苦逆滿腰中痛不可俛仰勞也。

膀胱虛

左手尺中神門以後脉陽虛者足太陽經也。病

苦脚中筋急。腹中痛引腰背。不可屈伸。轉筋惡風偏枯。腰痛。外踝後痛。

腎膀胱俱實

左手尺中神門以後脉陰陽俱實者。足少陰與太陽經俱實也。病苦脊疆。反折戴眼。氣上搶心。脊痛不能自反側。

腎膀胱俱虛

左手尺中神門以後脉陰陽俱虛者。足少陰與太陽經俱虛也。病苦小便利。心痛背寒。時時少

腹滿。

肺實

右手寸口氣口以前脉陰實者。手太陰經也。病苦肺脹。汗出若露。上氣喘逆。咽中塞如欲嘔狀。

肺虛

右手寸口氣口以前脉陰虛者。手太陰經也。病苦少氣不足以息。盜乾不朝津液。

大腸實

右手寸口氣口以前脉陽實者。手陽明經也。病

苦腹滿善喘欬面赤身熱咽喉中如核狀。

大腸虛

右手寸口氣口以前脉陽虛者手陽明經也病苦胃中喘腸鳴虛渴唇口乾目急善驚泄白

肺大腸俱實

右手寸口氣口以前脉陰陽俱實者手太陰與陽明經俱實也病苦頭痛目眩驚狂喉痺痛手臂倦唇吻不收捲一作倦
一作蹇

肺大腸俱虛

右手寸口氣口以前脉陰陽俱虛者手太陰與陽明經俱虛也病苦耳鳴嘈嘈時妄見光明情中不樂或如恐怖

脾實

右手關上脉陰實者足太陰經也病苦足寒脛熱腹脹滿煩擾不得卧

脾虛

右手關上脉陰虛者足太陰經也病苦泄注腹滿氣逆霍亂嘔吐黃疸心煩不得卧腸鳴

胃實

右手關上脉陽實者。足陽明經也。病苦腹中堅痛而熱。千金作病汗不出如溫瘧。唇口乾善噦乳癰。缺盆腋下腫痛。

胃虛

右手關上脉陽虛者。足陽明經也。病苦脛寒不得卧惡寒洒洒。目急腹中痛虛鳴。外臺作時寒時熱唇口乾面目浮腫。

脾胃俱實

右手關上脉陰陽俱實者。足太陰與陽明經俱實也。病苦脾脹腹堅痛。脅下痛。胃氣不轉。大便難。時反泄利。腹中痛。上衝肺肝。動五臟並喘鳴。多驚身熱汗不出。喉痺精少。並二作立

脾胃俱虛

右手關上脉陰陽俱虛者。足太陰與陽明經俱虛也。病苦胃中如空狀。少氣不足以息。四逆寒泄注不已。

腎實

右手尺中神門以後脉陰實者。足少陰經也。病苦痺。身熱心痛。脊脊相引痛。足逆熱煩。

腎虛

右手尺中神門以後脉陰虛者。足少陰經也。病苦足脛小弱。惡風寒。脉代絕時不至。足寒。上重下輕。行不可以按地。少腹脹滿。止捨。骨骨痛。引肋下。

膀胱實

右手尺中神門以後脉陽實者。足太陽經也。病苦轉胞。不得小便。頭眩痛。煩滿。脊背疆。

膀胱虛

右手尺中神門以後脉陽虛者。足太陽經也。病苦肌肉振動。脚中筋急。耳聾。忽忽不聞。惡風。颼颼作聲。

腎膀胱俱實

右手尺中神門以後脉陰陽俱實者。足少陰與太陽經俱實也。病苦癰疾。頭重與目相引痛。厥欲起走。反眼。大風多汗。

腎膀胱俱虛

右手尺中神門以後脉陰陽俱虛者。足少陰與
太陽經俱虛也。病苦心痛。若下重不自收。篡反
出。時時苦洞泄。寒中泄。腎心俱痛。一說云。腎有
左右。膀胱無

二。今用當以左腎合
膀胱。右腎合三焦。

平三關病候并治宜第三 九五十一條

寸口脉浮。中風發熱頭痛。宜服桂枝湯。葛根湯。

針風池風府。向火灸身。摩治風膏。覆令汗出。

寸口脉緊。苦頭痛。骨肉疼。是傷寒。宜服麻黃湯。

發汗。出肩衝顛顛。摩治傷寒膏。

寸口脉微。苦寒為衄。宜服五味子湯。摩茱萸膏。

令汗出。

寸口脉數。即為吐。以有熱在胃管。熏胃中。宜服

藥吐之。及針胃管。服除熱湯。若是傷寒。七八日

至十日。熱在中。煩滿渴者。宜服知母湯。

寸口脉緩。皮膚不仁。風寒在肌肉。宜服防風湯。

以藥薄熨之。摩以風膏。灸諸治風穴。

寸口脉滑。陽實。胃中壅滿。吐逆。宜服前胡湯。針

太陽巨闕瀉之。

寸口脉絃。心下幅幅。微頭痛。心下有水氣。宜服甘遂丸。針期門瀉之。

寸口脉弱。陽虛自汗出而短氣。宜服茯苓湯。內補散。適飲食。消息。勿極勞。針胃管補之。

寸口脉澀。是胃氣不足。宜服乾地黄湯。自養調和飲食。針三里補之。三里一作胃管

寸口脉芤。吐血。微芤者。衄血空虛。血去故也。宜服竹皮湯。黃蓍湯灸臈中。

寸口脉伏。胃中逆氣。噎塞不通。是胃中冷氣。上衝心胃。宜服前胡湯。太三建丸。針巨闕。上臈灸臈中。

寸口脉沉。胃中引澀痛。胃中有水氣。宜服澤漆湯。針巨闕瀉之。

寸口脉濡。陽氣弱。自汗出。是虛損病。宜服乾地黄湯。薯蕷丸。內補散。牡礪散。并粉針。太衝補之。寸口脉遲。上焦有寒。心痛。咽酸吐酸水。宜服附子湯。生薑湯。茱萸丸。調和飲食以暖之。

寸口脉實。卽生熱在脾肺。嘔逆氣塞。虛卽生寒。在脾胃。食不消化。有熱。卽宜服竹葉湯。葛根湯。有寒。卽宜服茱萸丸。生薑湯。

寸口脉細。發熱。吸吐。宜服黃芩龍膽湯。吐不止。宜服橘皮枳梗湯。灸中府。

寸口脉洪大。胃脘滿。宜服生薑湯。白薇丸亦可。紫菀湯下之。針上皖。期門。章門。

關脉浮。腹滿。不欲食。浮爲虛滿。宜服平胃丸。藜湯。生薑。前胡湯。針胃皖。先瀉後補之。

脉緊。心下苦滿。急痛。脉緊者爲實。宜服茱萸

田歸湯。又大黃湯兩治之。良。針巨闕。下管瀉之。

千金云。服茱萸田歸湯。又加大黃三兩佳。

關脉微。胃中冷。心下拘急。宜服附子湯。生薑湯。

附子丸。針巨闕補之。

關脉數。胃中有客熱。宜服知母丸。除熱湯。針巨

闕上管瀉之。

關脉緩。其人。不欲食。此胃氣不調。脾氣不足。宜

服平胃丸。補肺湯。針章門補之。

關脉滑。胃中有熱。滑爲熱實。以氣滿。故不欲食。食卽吐。遂宜服紫苑湯下之。大平胃丸。針胃管

瀉之。

千金云。宜服朴硝麻黃湯平胃丸。

關脉絃。胃中有寒。心下厥逆。此以胃氣虛。故爾。宜服茱萸湯。溫調飲食。針胃管補之。

關脉弱。胃氣虛。胃中有客熱。脉弱爲虛熱作病。其雖云有熱。不可大攻之。熱去則寒起。正宜服竹葉湯。針胃管補之。

關脉澹。血氣逆冷。脉澹爲血虛。以中焦有微熱。

宜服乾地黄湯。內補散。針足太衝。上補之。

關脉芤。大便去血數斗者。以膈膈傷故也。宜服生地黄。并生竹皮湯。灸膈膈。若重下去血者。針關元。甚者。宜服龍骨丸。必愈。

關脉伏。中焦有水氣。澹泄。宜服水銀丸。針關元。利小便。澹泄便止。

關脉沉。心下有冷氣。苦滿吞酸。宜服白薇茯苓丸。附子湯。針胃管補之。

關脉濡。苦虛冷。脾氣弱。重下病。宜服赤石脂湯。

女萎丸。針關元補之。

關脉遲。胃中寒。宜服桂枝丸。茱萸湯。針胃管補之。

關脉實。胃中痛。宜服梔子湯。茱萸烏頭丸。針胃管補之。

關脉牢。脾胃氣塞。盛熱卽腹滿響響。宜服紫葳丸。瀉脾丸。針灸胃管瀉之。

關脉細。脾胃虛。腹滿。宜服平姜茱萸蜀椒湯。白薇丸。針灸三管。

關脉洪。胃中熱。必煩滿。宜服平胃丸。針胃管先瀉後補之。

尺脉浮。下熱風。小便難。宜服瞿麥湯。滑石散。針橫骨關元瀉之。

尺脉緊。臍下痛。宜服當歸湯。灸天樞。針關元補之。

尺脉微。厥逆。小腹中拘急。有寒氣。宜服小建中

湯。

一本更有四順湯。針氣海。

尺脉數。惡寒。臍下熱痛。小便赤黃。宜服鷄子湯。

白魚散針橫骨瀉之。

尺脉緩脚弱下腫小便難有餘瀝宜服滑石湯
瞿麥散針橫骨瀉之。

尺脉滑血氣實婦人經脉不利男子溺血宜服
朴硝煎大黃湯下去經血針關元瀉之。

尺脉絃小腹疼小腹及脚中拘急宜服建中湯
當歸湯針氣海瀉之。

尺脉弱陽氣少發熱骨煩宜服前胡湯乾地黃
湯茯苓湯針關元補之。

尺脉瀉足脛逆冷小便赤宜服附子四逆湯針
足大衝補之。

尺脉芤下焦虛小便去血宜服竹皮生地黃湯
炙丹田關元亦針補之。

尺脉伏小腹痛癥疝水穀不化宜服大平胃丸
桔梗丸針關元補之。桔梗丸一云結腸丸。

尺脉沈腰背痛宜服腎氣丸針京門補之。
尺脉濡苦小便難千金云脚不收風痺。宜服瞿麥湯白魚

散針關元瀉之。

尺脉遲。下焦有寒。宜服桂枝丸。針氣海關元補之。

尺脉實。小腹痛。小便不禁。宜服當歸湯。加大黃一兩以利大便。針關元補之。止小便。

尺脉牢。腹滿陰中急。宜服葶藶子菜萸丸。針

田關元中極。

平奇經八脉病第四 九十五條

脉有奇經八脉者。何謂也。然有陽維陰維。有陽蹻陰蹻。有衝有督。有任。有帶之脉。凡此八脉者。

皆不拘於經。故曰奇經八脉也。經有十二。絡有

十五。凡二十七氣。相隨上下。何獨不拘於經也。

然聖人圖設溝渠。通利水道。以備不虞。天雨降下。溝渠溢滿。霧霈妄行。當此之時。聖人不能復圖也。此絡脉流溢。諸經不能復拘也。

奇經八脉者。既不拘於十二經。皆何起何繫也。

然陽維者。起於諸陽之會。陰維者。起於諸陰之交。陽維陰維者。維絡於身。溢畜不能環流。漑灌諸經者也。陽蹻者。起於跟中。循外踝而上。行入

風池。陰蹻者，亦起於跟中，循內踝而上，行至咽

喉，交貫衝脉。衝脉者，起於關元，循腹裏直上至

咽喉中。一云衝脉者起於氣衝，並陽明之經，夾臍上，行至胸中而散也。督脉者

起於下極之輪，並於脊裏循背土至風府。衝脉

者，陰脉之海也。督脉者，陽脉之海也。任脉者，起

於胞門子戶，夾臍上行至胃中。一云任脉者起於中極之下，以

土毛際，循腹裏，帶脉者起於季肋，迴身一周，此

八者皆不繫於十二經，故曰奇經八脉者也。

奇經之為病何如？然陽維維於陽，陰維維於陰。

陰陽不能相維，悵然失志，容容不能自收持。

者其人驚，即維脉緩，緩則令身不能自收持，即失志善忘恍惚也。陽維為病苦

寒熱，陰維為病苦心痛。陽維為衛，衛為寒熱，陰維為榮，榮為血，血者主

心，故心陰蹻為病，陽緩而陰急。即脉急，當內踝

痛也。以上急，外陽蹻為病，陰緩而陽急。陽蹻在外踝，

其以上緩。其人當從外踝以衝之為病，逆氣而裏急。衝脉

上急，內踝以上緩。元至喉咽，故其為督之為病，脊彊而厥。督脉在

病逆氣而裏急。其脉急，故任之為病，其內苦結，男子為七疝

子為癥聚。任脉起於胞門子戶，故帶之為病，苦

腹滿腰容容若坐水中狀帶脈者迴帶人之身體病即其脈緩故令腰容也此奇經八脈之為病也。

診得陽維脈浮者。蹇起目眩。陽盛實。苦肩息。洒洒如寒。

診得陰維脈沈大而實者。苦胷中痛。脅下支滿心痛。

診得陰維如貫珠者。男子兩脅實。腰中痛。女子陰中痛。如有瘡狀。

診得帶脈左右遶臍腹。腰脊痛。衝陰股也。

兩手脈浮之俱有陽。沈之俱有陰。陰陽皆實者。此為衝督之脈也。衝督之脈者。十二經之道路也。衝督用事。則十二經不復朝於寸口。其人皆苦恍惚狂癡。不者必當由豫有兩心也。

兩手陽脈浮而細微。綿綿不可知。俱有陰脈。亦復細綿綿。此為陰蹻陽蹻之脈也。此家曾有病鬼魅風死。苦恍惚亡人。為禍也。此家以下十七字疑衍

診得陽蹻病拘急。陰蹻病緩。

尺寸俱浮直下。直下此為督脈。腰背屈伸不得。

俛仰大人癩病小兒風癩矣。

脉來中央浮直。上下痛者督脉也。動苦腰背膝

寒。大人癩。小兒癩也。灸頂上三九。正當頂上

尺寸脉俱牢。一作直上直下。此為衝脉。胃中有

寒疝也。

脉來中央堅實。徑至關者。衝脉也。動苦少腹痛

上搶心。有癥疝。絕孕遺失溺。脅支滿煩也。

橫寸口邊九九。此為任脉。苦腹中有氣。如指上

搶心。不得俛仰拘急。

脉來緊細實。長至關者。帶脉也。動苦少腹繞臍

下引橫骨陰中切痛。取臍下三寸。一作任脉

脉經卷之二終

厥經卷之三

肝膽部第一

九十二條

肝象木

肝於五行象木

與膽合為府

膽為清淨之府

其經足厥

陰

厥陰肝脈

與足少陽為表裏

少陽膽脈也藏陰府陽故為表裏

其

脈絃

絃肝脈之大形也

其相冬三月

冬水王木相

壬春二月

廢夏三月

夏火王水廢

囚季夏六月

季夏土王木囚

死秋三

月

秋金王木死

其王日甲乙王時平旦日出

並木也其

困日戊巳困時食時日昃

並土也

其死日庚辛死

時晡時日入

並金也

其神魂

肝之所藏者魂

其主色其養

筋肝氣所其候目肝候出目故其聲呼其色青

其臭臊其臭臊其液泣泣出其味酸其宜苦火苦

也其惡辛味辛金肝俞在背第九椎募在期門直

乳下二膽俞在背第十椎募在日月穴在期門下五分

右新撰並出素問諸經昔人撰集成混雜相涉煩而難了今抄事要分

別五臟各為一部

冬至之後得甲子少陽起於夜半肝家王冬至者歲

氣之節甲子日者陰陽更始之數也少陽者木也生於木故起夜半其氣常微少故言

少陽云夜半肝者東方木肝與膽為臟府故萬

物始生其氣來。奠而弱寬而虛春少陽氣溫

故脉為絃。肝氣養於筋故其脉奠即不可發

汗弱即不可下寬者開開者通通者利故名曰

寬而虛言少陽始起尚奠弱人榮衛二理開通

禁故言寬虛通利也春以胃氣為本不可犯也胃者土也

而生胃亦養王臟故肝王以胃氣為本也不可犯者不可傷之。

右四時經

黃帝問曰春脉如絃。何如而絃岐伯曰春脉肝也東方木也萬物之所以始生也故其氣來濡

弱輕虛而滑端直以長故曰絃。反此者病黃帝曰何如而反岐伯曰其氣來實而強此為太過病在外其氣來不實而微此為不及病在中黃帝曰春脉太過與不及其病皆何如岐伯曰太過則令人善忘忘當作怒忽忽眩冒而癩疾不及則令人胸脇痛引背下則兩脇脹滿黃帝曰善肝脉來濡弱招招如揭竿末梢曰平巢原云綽綽如按琴瑟之絃如揭長竿曰平春以胃氣為本肝脉來盈實而滑如循長竿曰肝病肝脉來急而益勁如新張弓

絃曰肝死

真肝脉至中外急如循刀刃責責然巢原云顯顯然如按

琴瑟絃色青白不澤毛折乃死

春胃微絃曰平絃多胃少曰肝病但絃無胃曰死有胃而毛曰秋病毛甚曰今病

肝藏血血含魂悲哀動中則傷魂魂傷則狂妄

不精不敢正當人不精不敢正當人一作陰縮其精不守令人陰縮

而筋孿兩脇骨不舉毛悴色天死於秋

春肝木王其脉絃細而長名曰平脉也反得浮

清而短者

千金云。微澁而短。

是肺之乘肝。金之克木。為

賊邪大逆。十死不治。

一本云。日月年數至三。忌庚辛。

反得洪大

而散者

千金云。浮大而洪。

是心之乘肝。子之扶母。為實

邪。雖病自愈。反得沈濡而滑者。是腎之乘肝。母

之歸子。為虛邪。雖病易治。反得大而緩者。是脾

之乘肝。土之陵木。為微邪。雖病即差。

肝脈來濯濯如倚竿。如琴瑟之弦。再至曰平。三

至曰離經病。四至脫精。五至死。六至命盡。足厥

陰脈也。

肝脈急甚為惡言。微急為肥氣。在脇下若覆杯

緩甚則為善嘔。微緩為水瘕痺。大甚為內癰。善

嘔衄。微大為肝痺縮。欬引少腹。小甚為多飲。微

小為消痺。滑甚為癩疝。微滑為遺溺。濇甚為淡

飲。微濇為瘕瘕。攣筋

足厥陰氣絕。則筋縮引卵與舌。厥陰者。肝脈也。

肝者。筋之合也。筋者。聚於陰器。而脈終於舌本。

故脈弗營。則筋縮急。筋縮急。則引舌與卵。故唇

青。舌卷。卵縮。則筋先死。庚篤辛死。金勝木也。

肝死藏浮之脉弱。按之中。如索不來。故曲如蛇行者死。

右素問鍼經張仲景

心小腸部第二 凡十二條

心象火與小腸合為府小腸為受盛之府也其經手少陰

手少陰與手太陽為表裏手太陽小腸脉也其脉洪洪心

脉之其相春三月木王火相王夏三月廢季夏六月

囚秋三月金王火囚死冬三月水王火死其王日丙丁王

時禺中日中其困日庚辛困時哺時日入其死

日壬癸死時人定夜半其藏神心之所藏者神也其主

臭其養血心氣所養者血其候舌其聲音言与心出故主言其

色赤其臭焦其液汗其味苦其宜甘甘脾氣也其惡

鹹鹹腎味也心俞在背第五椎或云第七椎募在巨闕在心

寸下一寸小腸俞在背第十八椎募在關元脐下三寸

右新撰

心者南方火心主血其色赤故以夏王於南方應火行萬物洪盛垂

枝布葉皆下垂如曲故名曰鉤心王之時太陽用事故草木茂

盛枝葉布舒皆下垂曲故謂之鉤也心脉洪大而長洪則衛氣實

實則氣無從出

脈洪者。衛氣實。實則腠理密。密則氣無從出。

大則榮

氣萌。萌洪相薄。可以發汗。故名曰長

榮者。血也。萌當為明。

字之誤。血王故明且大也。榮明衛實。當須發動。通其津液也。

長洪相得。即引

水漿。溉灌經絡。津液皮膚

夏熱陽氣盛。故其人引水漿潤灌肌膚。以

養皮毛。猶草木須

太陽洪大。皆是毋軀。幸得戊

而澤以長枝葉

月。牢根株。太陽夏火。春木為其母。陽得春始

故言是毋軀也。戊巳土也。上為火

子。火王。即土相。故用牢根株也。陽氣上出汗

見於頭。五月枯。蕤胞中空。虛醫反下之。此為重

內。蕤當為乾。枯燥也。人頭者。諸陽

身軀以實其表。是以五內。芘枯燥。則胞中空。虛

津液少也。胞者。膀胱津液之府也。愚醫不曉。故

反下之。令

重虛也。脈浮有表。無裏。陽無所使。

而反下之。撰於陰。氣陽為表。陰為裏。經言陽為

陰。使陰為陽。守相須而行。脈浮。故无裏也。治之

右四時經

黃帝問曰。夏脈如鉤。何如。而鉤。岐伯曰。夏脈。心

也。南方火也。萬物之所以盛長也。故其氣來盛

去衰。故曰鉤。反此者。病。黃帝曰。何如。而反。岐伯

曰其氣來盛去亦盛。此謂太過。病在外。其來不盛。去反盛。此謂不及。病在中。黃帝曰。夏脈太過。與不及。其病皆何如。岐伯曰。太過則令人身熱。而膚痛。為浸淫。不及則令人煩。心上見欬唾。下為氣泄。帝曰。善。

心脈來累累如連珠。如順琅玕曰平。夏以胃氣

為本。心脈來喘喘甲乙作累累連屬其中微曲曰心

病。心脈來前曲後居如操帶鉤曰心死。

真心脈至堅而搏。如循薏苡子累累然。其色赤

黑不澤。毛折乃死。

夏胃微鉤曰平。鉤多胃少曰心病。但鉤無胃曰

死。有胃而石曰冬病。石甚曰今病。

心藏脈。脈舍神。怵惕思慮則傷神。神傷則恐懼

自失。破腠脫肉。毛悴色夭。死於冬。

夏心火王。其脈洪千金作浮大而洪大而散。名曰平脈。

反得沈濡而滑者。是腎之乘心。水之克火。為賊

邪。大逆。十死不治。一本云。日月年數至二。忌壬癸。反得大而緩

者。是脾之乘心。子之扶母。為實邪。雖病自愈。反

得絃細而長者。是肝之乘心。母之歸子。爲虛邪。雖病易治。反得浮千金浮。瀦而短者。是肺之乘心。金之陵火。爲微邪。雖病卽差。

心脉來累累如貫珠滑利。再至曰平。三至曰離經病。四至脫精。五至死。六至命盡。手少陰脉也。

心脉急甚爲瘕癥。微急爲心痛引背。食不下。緩甚爲狂笑。微緩爲伏梁在心下。上下行。時唾血。

大甚爲喉介。微大爲喉痺。引背。善淚出。小甚爲善噦。微小爲消痺。滑甚爲善渴。微滑爲心疝引

臍小腹鳴。瀦甚爲瘖。微瀦爲血溢維厥。耳鳴癩疾。

手少陰氣絕則脉不通。少陰者。心脉也。心者。脉之合也。脉不通則血不流。血不流則髮色不澤。故其面黑如漆柴者。血先死。壬篤癸死。水勝火也。

心死藏。浮之脉實如豆麻擊手。按之益躁疾者死。

右素問鍼經張仲景

脾胃部第三 九十二條

脾象土。與胃合為府。胃為水。其經足太陰。脾之

也。脈與足陽明為表裏。陽明胃脈。其脈緩。緩脾脈之大形也。其

相夏三月。火王。土相。王季夏六月。廢秋三月。囚冬三

月。死春三月。其王日戊巳。王時食時日昃。困日

壬癸。困時人定夜半。其死日甲乙。死時平旦日

出。並木時也。其神意。其主味。其養肉。其候口。其聲歌。

其色黃。其臭香。其液涎。其味甘。其宜辛。其惡酸。

脾俞在背第十一椎。募在章門。季肋。胃俞在背

第十二椎。募在太倉。

右新撰

脾者土也。敦而福。敦者厚也。萬物衆色不同。脾

水穀。其氣微弱。水穀不化。脾為土行。王於季夏。性敦厚。有養萬物。當此之時。草木備具。枝葉

茂盛。種類衆多。青黃赤白黑色。各不同矣。故名曰得福者廣。土生養

此之時。脾則同稟諸藏。故其德為廣大。萬物懸根住莖。其葉在巔。

蛭蠃蠕動。蚊蠅喘息。皆蒙土恩。懸根住莖。草木之類也。其次則

蟻蚋。茂微之蟲。因陰陽之氣。變化而生者也。喘

息。有血脈之類也。言普天下之草木昆蟲。無不被蒙土之恩。福也。德則為緩。恩則為遲。故令太陰脈緩。

而遲尺寸不同

太陰脾也言脾王之時脈緩而遲尺寸不同者尺遲而寸緩也

酸鹹苦辛大沙

一作大妙一作涉

而生互行其時而以

各行皆不群行盡可常服

肝酸腎鹹心苦肺辛澆皆四臟之味也脾

主調和五味以稟四臟四臟受味於脾脾王之特其脈沙達於肌肉之中互行人身軀乃復各行隨其四肢使其氣周匝榮諸臟府以養皮土毛皆不羣行至一處也故言盡可常服也

寒則溫土熱則涼

冬陽氣在下土中清涼脾氣亦然

土有一子名之曰金懷挾抱之不離其身金乃

畏火恐熱來熏遂棄其毋逃歸水中水自金子

而藏火神閉門塞戶內外不通

此謂冬時也陽氣在中陽為火

行金性畏火故恐熏之金歸水中而避火也毋

子相得益盛閉塞不通者言水氣克實金在水

中此為強固火無復得往剋之者神密之類也

土亡其子其氣衰微水

為洋溢浸漬為池一作其池走擊皮膚面目浮腫歸

於四肢此為脾之衰損土以防防水金土愚醫見

水直往下之虛脾空胃水遂居之肺為喘浮胃脾

已病宜扶養其氣通利水道愚醫不曉而往下

之此為重傷水氣遂更陵之上侵胸中肺得水

而浮故肝反畏肺故下沈沒肺金肝木此為相

剋肝故下有荆棘恐傷其身避在一邊以

沈沒於下為水流荆棘木之類肝為木今沒在下則為荆

下一邊避木也。水流者水之流路也。土本剋水而令微弱。又無觸木無復制水。故水得流行。心衰則伏肝微則沈。故令脉伏而沈。心火。肝木。火則畏水。

而水畏金。金水相得。其氣則實。剋於肝。心。故令二藏衰微。脉為沈伏也。工醫來占。

因轉孔穴。利其溲便。遂通水道。其液下流。亭亭其

陰陽喘息則微。汗出正流。肝着其根。心氣因起。

陽行四肢。肺氣亭亭。喘息則安。轉孔穴者。諸藏之榮衛。轉治使

順。其液。脾之津液。亭亭。其陰陽得復。其常所故榮衛。開通。水氣消除。肝得還着其根。殊。肝心為母

子。肝看則心氣得起。肺氣平。腎為安聲。其味為調。故言亭亭。此為端好之類。

鹹。肺主聲。腎為山。子助於肺。故言安。味也。倚坐毋敗。溇臭如腥。

金為水母而歸水中。此為母往從子。脾氣反虛。五臟由此而相剋。賊倚倒致。敗則溇臭。而腥。故云然也。土得其子。則成為山。金得其母。名曰丘。英。

右四時經

黃帝問曰。四時之序。逆順之變異也。然脾脉獨

何主。岐伯曰。脾者。土也。孤藏以灌四旁者也。曰。

然則脾善惡可得見乎。曰。善者不可得見。惡者

可見。曰。惡者何如。曰。其來如水之流者。此謂太

過。病在外。如鳥之喙。此謂不及。病在中。太過則

令人四肢沈重不舉。其不及。則令人九竅壅塞。

不通。以曰重強。脾來而和柔。相離如鷄足踐地曰平。長夏以

胃氣為本。脾來實而盈數如鷄舉足。曰脾病。

脾來堅兌如鳥之喙。如鳥之距。如屋之漏。如

水之滔。曰脾死。

真脾脈至。弱而乍疎乍散。一作數色青黃不澤。毛

折乃死。

長夏胃微濡弱曰平。弱多胃少曰脾病。但弱無

胃曰死。濡弱有石曰冬病。石甚曰今病。

脾藏榮。榮舍意。愁憂不解則傷意。意傷則悶亂

四肢不舉。毛悴色天死於春。

六月季夏建未。坤未之間。土之位。脾王之時。其

脈大。阿阿而緩。名曰平脈。反得絃細而長者。是

肝之乘脾。木之克土。為賊邪。大逆。十死不治。反

得浮。千金浮濇而短者。是肺之乘脾。子之扶母

為實邪。雖病自愈。反得洪大而散者。千金作浮

是心之乘脾。母之歸子。為虛邪。雖病易治。反得

沈濡而滑者。腎之乘肺。水之陵土。為微邪。雖病

脈經

卽差。

脾脉萇萇而弱。

千金萇萇作長長

來疎去數。再至曰平。

三至曰離經病。四至脫精。五至死。六至命盡。足太陰脉也。

脾脉急甚為瘕瘕。微急為膈中滿。食飲入而還出。後沃沫。緩甚為痿厥。微緩為風痿。四肢不用。心慧然若無病。大甚為擊仆。微大為痞氣。脹大膿血在腸胃之外。小甚為寒熱。微小為消癯。滑甚為癩癧。微滑為蟲毒。虵腸鳴熱。濇甚為腸癰。

微濇為內潰。多下膿血也。

足太陰氣絕。則脉不營其口唇。口唇者。肌肉之本也。脉不營則肌肉濡。肌肉濡則人中滿。人中滿則唇反。唇反肉先死。甲篤乙死。木勝土也。

脾死藏。浮之脉大緩。

一作堅

按之中如覆杯。絜絜

狀如搖者死。

作絜絜狀如炙肉

右素問鍼經張仲景

肺大腸部第四

九十二條

肺象金。與大腸合為府。

大腸為傳道之府也

其經手太陰。

手太陰 與手陽明為表裏。手陽明大腸脈也 其脈浮。浮

形也。其相季夏六月。季夏土 其王秋三月。廢

冬三月。囚春三月。死夏三月。夏火王 其王日庚

辛。王時晡時日入。其困日甲乙。困時平旦日出

其死日丙丁。死時禺中日中。其神竟。其主聲。其

養皮毛。其候鼻。其聲哭。其色白。其臭腥。其液涕

其味辛。其宜鹹。其惡苦。肺俞在背第三椎。或云

椎募在中府。直兩乳上 大腸俞在背第十六椎

募在天樞。俠臍旁各

右新撰

肺者。西方金。萬物之所終。金性剛。故三西方。割

終於宿葉落柯。萋萋枝條。其杌然獨在。其脈為

微浮。毛衛氣遲。萋萋者。零落之貌也。言草木宿

然獨在。此時陽氣則榮氣數。數則在上。遲則在

下。故名曰毛。諸陽脈數。諸陰脈遲。榮為陰。不應

在陽位。故一時數而在上也。此時陰始出爭。陽

當陷而不陷。陰當昇而不昇。為邪所中。陰陽交

以時定。一氣感激。故為風寒所中。陽中邪則捲。陰中邪則緊。捲

則惡寒。緊則為慄。寒慄相薄。故名曰瘧。弱則發

熱。浮乃來出。捲者。其人拘捲也。緊者。脈緊也。此

謂初中風寒之時。脈緊。其人則寒。寒止而脈更微弱。弱則其人發熱。熱止則脈浮。浮者。瘧解。王脈出也。旦中旦發。暮

中暮發。言瘧發皆隨其初藏有遠近。脈有遲疾。

周有度數。行有漏刻。藏。謂人五臟。肝心脾肺腎

出。是為近。呼為陽。其脈疾。腎肝在膈下。吸則其氣入。是為遠也。吸為陰。其脈遲。度數謂經脈之

長短。周身行者。榮衛之行也。行陰陽各遲在上。

傷毛采。數在下。傷下焦。中焦有惡則見。有善則

匿。秋則陽氣遲。陰氣數。遲當在下。數當在上。隨

節變。故言傷毛采也。人之皮毛。肺氣所行。下

焦在臍下。陰之所治也。其脈應遲。今反數。故言

傷下焦。中焦脾也。其平善之時。脈常自不見。衰

乃見耳。故云陽氣下陷。陰氣自温。言陽氣下陷。温養諸藏

陽反在下。陰反在巔。故名曰長而且留。陰陽

時節。人血脈和平。言可長留竟一時。

右四時經

黃帝問曰。秋脈如浮。何如而浮。岐伯對曰。秋

肺也。西方。金也。萬物之所以收成也。故其氣小

輕虛而浮。其氣來急去散。故曰浮。反此者病。黃

帝曰。何如而反。岐伯曰。其氣來毛而中央。取

旁虛。此謂太過病在外。其氣來毛而微。此謂不及。病在中。黃帝曰。秋脉太過與不及。其病何如。岐伯曰。太過則令人氣逆而背痛。溫溫然。不則令人喘呼吸少氣而欬。上氣見血。下聞病。肺脉來厭厭聶聶。如落榆莢。曰肺平。秋以胃為本。難經云。厭厭聶聶。如循榆莢。曰春平。肺脉。藹藹如車蓋。按之益大。曰秋平。脉來不上不下。如循鷄羽。曰肺病。巢原無不字。肺脉如物之浮。如風吹毛。曰肺死。真肺脉至大而虛。如以毛羽中人膚。色赤白不

澤毛折乃死。

秋胃微毛曰平。毛多胃少曰肺病。但毛無胃曰死。毛而有絃曰春病。絃甚曰今病。

肺藏氣。氣含魄。喜樂無極則傷魄。魄傷則狂。狂者意不存。人皮革焦。毛悴色夭。死於夏。

秋金肺王。其脉浮。千金作微。濇而短。曰平脉。反得

洪大而散者。千金作浮。是心之乘肺。火之克金。

為賊邪大逆。十死不治。一本云。日月年數至四忌丙丁。反得沉

濡而滑者。是腎之乘肺。子之扶母。為實邪。雖病

自愈。反得大而緩者。是脾之乘肺。母之歸子。虛邪。雖病易治。反得絃細而長者。是肝之乘木之陵金。爲微邪。雖病卽差。

肺脈來汎汎輕如微風吹鳥背上毛。再至曰三至。曰離經病。四至脫精。五至死。六至命盡。太陰脈也。

肺脈急甚爲癘疾。微急爲肺寒熱。怠惰欬引腰背胸苦鼻息肉不通。緩甚爲多汗。微收爲疹偏風。一作漏風頭以下汗出不可止。大甚爲脛腫

微大爲肺痺。引胸背起腰內。小甚爲殮泄。微小爲消痺。滑甚爲息癘。上氣微滑爲上下出血。漇甚爲嘔血。微漇爲鼠瘻。在頸支掖之間。下不勝其上。其能喜酸。

手太陰氣絕則皮毛焦。太陰者行氣溫皮毛者也。氣弗營則皮毛焦。皮毛焦則津液去。津液去則皮節傷。皮節傷者則爪枯毛折。毛折者則氣先死。丙篤丁死。火勝金也。

脚死藏浮之虛。按之弱。如蔥葉下無根者死。

右素問鍼經張仲景

腎膀胱部第五

九十二條

腎家水。與膀胱合為府。

膀胱為津液之府

其經足少陰

足少陰腎脈也

與足太陽為表裏

足太陽膀胱脈也

其脈沈

沈

脈之大形也

其相秋三月

秋金生水相

其王冬三月廢春

二月囚夏三月其死季夏六月其王日壬癸王

時人定夜半其困日丙丁困時禺中日中其死

日戊己死時食時日昃其神志

腎之所藏者志也

其主

液其養骨其候耳其聲呻其色黑其臭腐其液

唾其味鹹其宜酸其惡甘腎俞在背第十四椎

募在京門膀胱俞在第十九椎募在中

橫骨上一寸在

臍下五寸前陷者中

右新撰

腎者北方水萬物之所藏

冬則北方用事王之時之後腎在四

之下故王北方也萬物春生夏長秋收冬藏

百蟲伏蟄

冬伏蟄不

也陽氣下陷陰氣上升陽氣中出陰氣烈為暍

遂不上升化為雪霜猛獸伏蟄螺蟲匿藏

陽氣下陷

者謂降於土中也其氣猶越而昇出陰氣在上寒盛陽氣雖昇而自不能自致因而化作霜雪

或謂陽氣中出是十月則霜降。猛獸伏蟄者。謂龍蛇冬時而潛處。螺虫無毛甲者得寒皆蟄。逐陽氣所在如此。其脉為沈。沈為陰在裏。不避冰霜自溫養也。

可發汗。發則螺虫出見其霜雪。陽氣在下。故冬脉沈。溫養於

府。此為裏實而表虛。復從外發其汗。此為逆。非其法也。猶百虫伏蟄之時而反出土。見於霜必死。不疑。逆治者死。此之謂也。

下。下之者傷脾。脾土弱。即水氣妄行。陽氣在

故不可下也。下之既損於陽氣。而脾胃復傷。以防水。而今反傷之。故令水得盈溢而妄行。

下之者如魚出水。蛾入湯。言治病逆。則殺人。魚出水。蛾入湯。火之

死。中即重客在裏。慎不可熏。熏之逆客。其息則喘。

重客者。猶陽氣也。重者。尊者。貌也。陽位尊。處於上。今一時在下。非其常所。故言客也。熏。謂燒針及以湯火之革。熏發其汗。如此則客熱從外與陽氣相薄。走為逆也。氣上熏胸中。故令喘急。

無持客熱。令口爛瘡。無持者。無以湯火發熏其汗也。熏之則火氣入裏為

客熱。故令其口生瘡。陰脉且解。血散不通。正陽遂厥。陰不

住從。血從脉中。氣行脉外。五十周而復會。如環之無端也。血為陰。氣為陽。相須而行。發其汗。使陰陽離別。脉為解散。血不得通。厥者逆也。謂陽氣逆而不復相親。使治病失所。故陰陽錯逆。可不慎耶。

客熱狂入。內為結胸。陰陽錯亂。外熱狂入。留結胸中也。

脾氣遂弱。清溲痢通。脾三水穀其氣微弱。水穀不化。下痢不息。清者。水穀

溲從水道出。而反清溲者。是謂下痢至厠也。

脉經

卷三

十九

右四時經

黃帝問曰冬脉如營何如而營岐伯對曰冬脉
腎也北方水也萬物之所以合藏故其氣來沈
以搏甲乙故曰營反此者病黃帝曰何如而反
岐伯曰其氣如彈石者此為太過病在外其去
如數者此謂不及病在中黃帝曰冬脉太過與
不及其病皆如何岐伯曰太過則令人解僂脊
脉痛而少氣不欲言不及則令人心懸如病饑
脛中清春中痛小腹滿小便黃赤

腎脉來喘喘累累如鈞按之而堅曰腎平冬以
胃氣為本腎脉如引葛按之益堅口腎病腎脉
來發如奪索辟辟如彈石曰腎死

真腎脉至搏而絕如以石沈諸水其色黑赤不
澤毛折乃死

冬胃微石曰平石多胃少曰腎病但石無胃曰

死石而有鈞夏病鈞甚曰今病

凡人以水穀為

則死脉無胃氣亦死所謂無胃氣者但得真臟
脉不得胃氣也所謂脉不得胃氣者肝但弦心
但鈞胃但弱肺
但主腎但石也

腎藏精。精舍志。盛怒而不止。則傷志。志傷則善忘其前言。腰脊痛。不可以俛仰屈伸。毛悴色夭。死於季夏。

冬腎水。王其脉沈濡而滑曰平。脉反得大而緩

者是脾之乘腎。土之尅水。為賊邪。大逆十死不

治。一本云日月年數至一。是戊巳。反得絃細而長者。是肝之乘

腎。子之扶母。為實邪。雖病自愈。反得浮千金作微

而短者。是肺之乘腎。母之歸子。為虛邪。雖病易

治。反得洪大而散者。于金作浮。大而洪。是心之乘腎。火

之陵水。為微邪。雖病即差。

腎脉沈細而緊。再至曰平。三至曰離經病。四至

脫精。五至死。六至命盡。足少陰脉也。

腎脉急。其為骨疼癩疾。微急為奔豚。沈厥足不

收。不得前後。緩甚為折脊。微緩為洞下。洞下者。

食不化。人咽還出。大甚為陰痿。微大為石水。起

膝下。以至小腹腫。垂垂然。上至胃管。死不治。小

甚為洞泄。微小為消痺。滑甚為癰癩。微滑為骨

痛。坐不能起。目無所見。視見黑花。濇甚為大癰。

微瀆爲不月水。沈疔。

足少陰氣絕則骨枯。少陰者冬脉也。伏行而濡。骨髓者也。故骨不濡則肉不能著骨也。骨肉不相親則肉濡而却。肉濡而却故齒長而垢髮無澤。髮無澤者骨先死。戊篤已死土勝水也。腎死藏浮之堅。按之亂如轉丸。蓋下八尺中者死。

右素問鍼經張仲景

脉經卷之三終

脉經卷之四

辨三部九候脉證第一

凡四十一條

經言所謂三部者寸關尺也。九候者每部中有天地人也。上部王候從胸以上至頭。中部王候從膈以下至氣街。下部王候從氣街以下至足。浮沉牢結遲疾滑瀆各自異名分理。察之勿怠。觀變所以別三部九候。知病之所起。審而明之。針灸亦然也。故先候寸脉中一作寸中於九浮在皮膚。沉細在裏。昭昭天道可得長久。上部之候。牢

結沉滑有積氣膀胱微細而弱。卧引裏急。頭痛欬嗽。逆氣上下。心膈上有熱者。口乾渴燥。病從寸口邪入上者。名曰解。脉來至狀如琴絃。苦少腹痛。女子經月不利。孔竅生瘡。男子病痔。左右脇下有瘡。上部不通者。苦少腹痛。腸鳴。寸口中虛弱者。傷氣氣不足。大如桃李實。苦痺也。寸口直上者。逆虛也。如浮虛者。泄利也。中部脉結者。腹中積聚。若在膀胱。兩脇下有熱。脉浮而大。風從胃管。至腹脹乾嘔。心下澹澹。如有桃李核。

中有寒時。苦煩痛不食。食卽心痛。胃脹支滿。膈上積。肋下有熱。時寒熱淋露。脉橫出上者。脇氣在膀胱。病卽著右。橫關入寸口中者。膈中不通。喉中咽難。刺關元入少陰下部脉者。其脉來至浮大者。脾熱也。與風集合。時上頭痛。引腰背。小滑者。厥也。足下熱。煩滿。逆上搶心。上至喉中。狀如惡肉。脾傷也。病少腹。下在膝。諸骨節間寒。清不可屈伸。脉急如弦者。筋急足攣。結者。四肢重。從尺邪入陽明者。寒熱也。大風邪入少陰。女子

漏白下赤。男子溺血。陰痿不起。引入腹痛。人有三百六十脉。法三百六十日。三部者。寸關尺也。尺脉爲陰。陰脉常沉而遲。寸關爲陽。陽脉俱浮而速。氣出爲動。入爲息。故陽脉六息七息。十三投。陰脉八息七息十五投。此其常也。二十八脉相逐上下。一脉不來。知疾所苦。尺勝治下。寸勝治上。尺寸俱平。治中央。臍以上。陽也。法於天。臍以下。陰也。法於地。臍爲中關。頭爲天。足爲地。有表無裏。邪之所止。得鬼病。何謂有表無裏。

寸尺爲表。關爲裏。兩頭有脉。關中絕不至也。尺脉上不至。關爲陰絕。寸脉下不至。關爲陽絕。陰絕而陽微。死不治。三部脉或至或不至。冷氣在胃中。故令脉不通也。上部有脉。下部無脉。其人當吐。不吐者死。上部無脉。下部有脉。雖困無所苦。所以然者。譬如人之有足。樹之有根。雖枝葉枯槁。根本將自生。木有根本。卽自有氣。故知不死也。寸口脉平而死者。何也。然諸十二經脉者。皆係於生氣之原。所謂生氣之原者。非謂十二

經之根本也。謂腎間動氣也。此五臟六腑之
十二經之根。呼吸之門。三焦之原。一名守邪之
神也。故氣者。人根本也。根絕則莖枯矣。寸口脉
平而死者。生氣獨絕於內也。其人便死。其脉不
復。腎間動氣。謂左為腎。右為命門。命門者。精神
之所舍。原氣之所係也。一名守邪之神。以命
門之神。固守邪氣。不得妄入。入即死矣。此腎氣
先絕於內。其人便死。其脉不復。反得動氣也。
岐伯曰。形盛脉細。少氣不足以息者死。形瘦脉
大。胸中多氣者死。形氣相得者生。參伍不調者
病。三部九候皆相失者死。上下左右之脉相應

如參春者。病甚。上下左右相失。不可數者死。中
部之候雖獨調。與眾藏相失者死。中部之候相
減者死。目內陷者死。黃帝曰。冬陰夏陽。奈何岐
伯曰。九候之脉。皆沉細懸絕者為陰。主冬。故以
夜半死。盛躁喘數者為陽。主夏。故以日中死。是
故寒熱者。平旦死。熱中及熱病者。日中死。病風
者。以日夕死。病水者。以夜半死。其脉乍數乍疏。
乍遲乍疾者。以月乘四季死。形肉已脫。九候聲
調猶死。七診雖見。九候皆順者。不死。所言不死

者風氣之病及經月之病似七診之病而非也
故言不死若有七診之病其脉候亦敗者死矣
其發噦噫必審問其所始病與今之所方病而
后各切循其脉視其經絡浮沉以上下逆順循
之其脉疾者不病其脉遲者病脉不往來者死
皮膚著者死

兩手脉結上部者濡結中部者緩結三里者豆
起弱反在關濡反在巔微反在上瀯反在下微
卽陽氣不足沾熱汗出瀯卽無血厥而且寒

二字
疑誤

黃帝問曰余欲每視色持脉獨調其尺以言其
病從外知內爲之奈何岐伯對曰審其尺之緩
急小大滑澁肉之堅脆而病形變定矣調之何
如對曰脉急者尺之皮膚亦急脉緩者尺之皮
膚亦緩脉小者尺之皮膚減而少脉大者尺之
皮膚亦大脉滑者尺之皮膚亦滑脉瀯者尺之
皮膚亦瀯凡此六變有微有甚故善調尺者不
待於寸善調脉者不待於色能參合行之可爲

上工。尺膚滑以淖澤者，風也。尺內弱，解休安卧。脫肉者，寒熱也。尺膚濇者，風痺也。尺膚麤如枯魚之鱗者，水淡飲也。尺膚熱甚，脈盛躁者，病溫也。其脈盛而滑者，汗且出。尺膚寒甚，脈小一作急者，泄。少氣。尺膚烜然烜然甲乙作熱炙人手先熱後寒者。寒熱也。尺膚先寒，久持之而熱者，亦寒熱也。尺烜然熱。人迎大者，掌奪血。尺緊。人迎脈小甚，則少氣。色白有加者，立死。肘所獨熱者，腰以上熱。肘前獨熱者，膺前熱。肘後獨熱者，肩背熱。肘後

麤。以下三四寸，腸中有蟲。手所獨熱者，腰以上熱。臂中獨熱者，腰腹熱。掌中熱者，腹中熱。掌中寒者，腹中寒。魚上白肉有青血脈者，胃中有寒。諸浮，諸沉，諸滑，諸澁，諸弦，諸緊，若在寸口，膈以上病。若在關上，胃以下病。若在尺中，腎以下病。寸口脈滑而遲，不沉不浮，不長不短，爲無病。左右同法。

寸口太過與不及，寸口之脈，中手短者，曰頭痛。中手長者，曰足脛痛。中手促上擊者，曰肩背痛。

寸口脉浮而盛者病在外。

寸口脉沉而堅者病在中。

寸口脉沉而弱者日寒。一作氣又作中及疝瘕小腹痛

寸口脉沉而弱者髮必墮落。

寸口脉沉而緊苦心下痛有積聚。

寸口脉沉胸中短氣。

寸口脉沉而喘者寒熱。

寸口脉但實者心勞。

寸口脉緊或浮膈上有寒肺下有水氣。

脉緊而長過寸口者注病。

脉緊上寸口者中風風頭痛亦如之。千金翼云亦為傷寒

頭痛

脉芤上寸口者宿食降者頭痛。

脉來過寸人魚際者遺尿。

脉出魚際逆氣喘息。

寸口脉漈漈如羹上肥陽氣微連連如蜘蛛絲

陰氣衰。

寸口脉偏絕則臂偏不遂其人兩手俱絕者不

可治。

兩手前部陽絕者苦心。下寒毒象中熱。

關上脉浮。而大風在胃中。張口肩息心下澹澹。

食欲嘔。

關上脉微浮。積熱在胃中。嘔吐虵蟲。心健忘。

關上脉滑而小大不勻。千金云必吐逆是為病方。欲進

不出。一二日復欲發動。其人欲多飲。飲即注利

如利止者生。不止者死。

關上脉緊而滑者虵動。

關上脉澁而堅大。而實按之不減。有力為中焦

實有伏結在。脾肺氣塞。實熱在胃中。澁脉與有力反今並

言者浮之澁大按之堅實故言有力也

關上脉。襜襜大而尺寸細者。其人必心腹冷積。

癰瘕結聚。欲熱飲食。

關上脉時來時去。乍大乍小。乍疎乍數者。胃中

寒熱羸劣。不欲飲食如瘧狀。

尺脉浮者。客陽在下焦。

尺脉細微澹泄下冷利。

尺脉弱寸强胃絡脉傷

尺脉虚小者足脛寒痿痺脚疼

尺脉溢下血下利多汗素問又云尺溢脉滑謂之多汗

尺脉滑而疾為血虛

尺脉沉而滑者寸白蟲

尺脉細而急者筋攣痺不能行

尺脉麤常熱者謂之熱中腰膝疼小便赤熱

尺脉偏滑疾面赤如醉外熱則病

平雜病脉第二

凡六十五條

滑為實為下。又為陽氣衰數為虛為熱浮為風

為虛動為痛為驚

沉為水為實。又為鬼疰。弱為虛為悸

遲則為寒。瀯則少血緩則為虛。洪則為氣一作熱

緊則為寒。弦數為瘧

瘧脉自弦。弦數多熱。弦遲多寒。微則為虛。代散

則死。弦為痛痺一作浮為風疰。偏弦為飲。雙弦則

脇下拘急而痛。其人瀯瀯惡寒

脉大寒熱在中

伏者霍亂。

安卧脉盛。謂之脫血。

凡亡汗。肺中寒。飲冷水。欬嗽。下利。胃中虛冷。此

等其脉並緊。

浮而大者風。

浮而大者。中風。頭重鼻塞。

浮而緩。皮膚不仁。風寒入肌肉。

滑而浮散者。攤緩風。

滑者鬼症。

澁而緊。痺病。

浮洪大長者。風眩癩疾。

大堅疾者。癩病。

弦而鉤。脇下如刀刺狀。如蜚尸。至困不死。

緊而急者。遁尸。

洪大者。傷寒熱病。

浮洪大者。傷寒。秋吉。春成病。

浮而滑者。宿食。

浮滑而疾者。食不消。脾不磨。

短疾而滑。酒病。

浮而細滑。傷飲。

遲而濇。中寒。有癥結。

蹶而緊。積聚。有擊痛。

弦急。疝瘕。小腹痛。又為癖病。一作脾瘕

遲而滑者。脹。

盛而緊。曰脹。

弦小者。寒澼。

沉而弦者。懸飲。內痛。

弦數。有寒飲。冬夏難治。

緊而滑者。吐逆。

小弱而濇。胃反。

遲而緩者。有寒。

微而緊者。有寒。

沉而遲。腹藏有冷病。

微弱者。有寒。少氣。

實緊。胃中有寒。苦不能食。時時利者。難治。一作時時

嘔。積。留。

難治。

承經

卷四

十一

滑數。心中結熱盛。

滑疾。胃中有寒。

緩而滑曰熱中。

浮一作沉而急。病傷寒。暴發虛熱。

浮而絕老氣。

辟大而滑。中有短氣。

浮短者。其人肺傷。諸氣微少。不過一年死。法當喇也。

浮而數中水。冬不治自愈。

短而數。心痛心煩。

弦而緊。脇痛藏傷有瘀血。一傷有寒血

沉而滑。為下血。亦為背脊痛。

脉來細而滑。按之能虛。因急持直者。僵仆。從高墮下。病在內。

微浮。秋吉。冬成病。

微浮雖甚。不成病。不可勞。

浮滑疾緊者。以合百病。久易愈。

陽邪來見浮洪。

陰邪來見沉細。

水穀來見堅實。

脉來乍大乍小乍長乍短者為祟。

脉來洪大嬌嬌者社祟。

脉來沉沉澤澤四肢不仁而重土祟。

脉與肌肉相得久持之至者可下之。

弦小緊者可下之。

緊而數寒熱俱發必下乃愈。

茲遲者宜溫藥。

緊數者可發其汗。

診五臟六腑氣絕證候第三

凡十三條

病人肝絕八日死何以知之面青但欲伏眠目

視而不見人汗出如水不止。

一日一死。汗一作泣。

病人膽絕七日死何以知之眉為之頽。

病人筋絕九日死何以知之手足爪甲青呬罵

不休一日八日死

病人心絕一日死何以知之肩息回視立死。

目亭亭。二日死。

病人腸。一曰小腸絕。六日死。何以知之。髮直如
乾麻。不得屈伸。自汗不止。

病人脾絕。十二日死。何以知之。口冷足腫。腹熱
臚脹泄利不覺。出無時度。一曰五日死

病人胃絕。五日死。何以知之。脊痛腰中重。不可
反覆。一曰脾腸平九日死

病人肉絕。六日死。何以知之。耳乾舌皆腫。溺血
大便赤泄。一曰足腫九日死

病人肺絕。三日死。何以知之。口張但氣出而不

還。一曰鼻口虛張短氣

病人大腸絕。不治。何以知之。泄利無度。利絕則
死。

病人腎絕。四日死。何以知之。齒為暴枯。面為正
黑。目中黃色。腰中欲折。自汗出如流水。一曰人中平七

病人骨絕。齒黃。十日死。

諸浮脉無根者皆死。已上五臟六腑為根也

診四時相反脉證第四。凡四條

春三月木王肝脉治。當先至。心脉次之。肺脉次之。腎脉次之。此為四時王相順脉也。到六月土王脾脉當先至。而反不至。反得腎脉。此為腎反脾也。七十日死。何謂腎反脾。夏火王心脉當先至。肺脉次之。而反得腎脉。是謂腎反脾。期五月。六月忌丙丁。

脾反肝。三十日死。何謂脾反肝。春肝脉當先至。而反不至。脾脉先至。是謂脾反肝。期正月二月。忌甲乙。

腎反肝。三歲死。何謂腎反肝。春肝脉當先至。而反不至。腎脉先至。是謂腎反肝也。期七月八月。忌庚辛。

腎反心。二歲死。何謂腎反心。夏心脉當先至。而反不至。腎脉先至。是謂腎反心也。期六月。忌戊巳。

臣億等按。千金云。此中不論脉。金之氣疎。未論指南。又推五行。亦頗顛倒。待別求錄上。

診損至脉第五 九九條

脉有損至。何謂也。然至之脉。一呼再至。曰平。三

至曰離經。四至曰奪精。五至曰死。六至曰命盡。此至之脈也。何謂損。一呼一至曰離經。二呼一至曰奪精。三呼一至曰死。四呼一至曰命絕。此損之脈也。至脈從下上。損脈從上下也。損脈之爲病奈何。然一損損於皮毛。皮聚而毛落。二損損於血脈。血脈虛少。不能榮於五臟六腑也。三損損於肌肉。肌肉消瘦。食飲不爲肌膚。四損損於筋。筋緩不能自收持。五損損於骨。骨痿不能起於床。反此者。至之爲病也。從上下者。骨痿不能

能起於床者。死。從下上者。皮聚而毛落者。死。治損之法奈何。然損其肺者。益其氣。損其心者。調其榮衛。損其脾者。調其飲食。適其寒溫。損其肝者。緩其中。損其腎者。益其精氣。此治損之法也。脈有一呼再至。一吸再至。一呼三至。一吸三至。一呼四至。一吸四至。一呼五至。一吸五至。一呼六至。一吸六至。一呼一至。一吸一至。再呼一至。再吸一至。呼吸再至。脈至如此。何以別知其病也。然脈來一呼再至。一吸再至。不大不小。曰平。

一呼三至。一吸三至。爲適得其病。前大後小。卽頭痛目眩。前小後大。卽胸滿短氣。一呼四至。一吸四至。病適欲甚。脉洪大者。苦煩滿。沉細者。腹中痛滑者。傷熱。濇者。中霧露。一呼五至。一吸五至。其人當困。沉細卽夜加浮大。卽晝加。不大小。雖困可治。其有大小者。爲難治。一呼六至。一吸六至。爲十死脉也。沉細夜死。浮大晝死。一呼一至。一吸一至。名曰損人。雖能行。猶當一作着床。所以然者。血氣皆不足故也。再呼一至。再吸一

至。名曰無竟。無竟者。當死也。人雖能行。名曰行尸。

扁鵲曰。脉一出。一入。曰平。再出一入。少陰。三出一入。太陰。四出一入。厥陰。再入一出。少陽。三入一出。陽明。四入一出。太陽。脉出者。爲陽。入者。爲陰。故人一呼而脉再動。氣行三寸。一吸而脉再動。氣行三寸。呼吸定息。脉五動。一呼一吸。爲一息。氣行六寸。人十息。脉五十動。氣行六尺。二十息。脉百動。爲一備之氣。以應四時。天有三百六

十五日人有三百六十五節。晝夜漏息水百刻。一備之氣脉行丈二尺。一日一夜行於十二辰。氣行盡則週遍於身。與天道相合。故曰平平者無病也。一陰一陽是也。脉再動爲一至。再至而緊卽奪氣。一刻百三十五息。十刻千三百五十息。百刻萬三千五百息。二刻爲一度。一度氣行一周身。晝夜五十度。脉三至者離經。一呼而脉三動。氣行四寸半。人一息脉七動。氣行九寸。十息脉七十動。氣行九尺。一備之氣脉百四十動。

氣行一丈八尺。一周於身。氣過百八十度。故曰離經。離經者病。一陰二陽是也。三至而緊則奪血脉。四至則奪精。一呼而脉四動。氣行六寸。人一息脉九動。氣行尺二寸。人十息脉九十動。氣行一丈二尺。一備之氣脉百八十動。氣行二丈四尺。一周於身。氣過三百六十度。再遍於身。不及五節。一時之氣而重至。諸脉浮濇者。五臟無精難治。一陰三陽是也。四至而緊則奪形。脉五至者死。一呼而脉五動。氣行七寸半。人一息脉

十一動。氣行尺五寸。人十息。脉百一十動。氣行丈五尺。一備之氣。脉一百二十動。氣行三丈。一周於身。三百六十五節。氣行過五百四十度。再周於身。過百七十度。一節之氣而至。此氣浮瀆。經行。血氣竭盡。不守於中。五臟痿瘠。精神散亡。脉五至而緊。則死。三陰一作二三陽是也。雖五猶未如之何也。

脉一損一乘者。人一呼而脉一動。人一息而脉再動。氣行三寸。十息。脉二十動。氣行三尺。一備

之氣。脉四十動。氣行六尺。不及周身百八十節。氣短不能周遍於身。苦少氣。身體懈惰矣。

脉再損者。人一息而脉一動。氣行一寸五分。人十息。脉十動。氣行尺五寸。一備之氣。脉二十動。氣行三尺。不及周身三百節。凝血氣盡。經中不能及。故曰離經。血去不在其處。大小便皆血也。

脉三損者。人一息復一呼而脉一動。十息。脉七動。氣行尺五分。一備之氣。脉十四動。氣行二尺一寸。不及周身二百九十七節。故曰爭。氣行血

留不能相與俱微。氣閉實則胸滿藏枯而爭於中。其氣不朝血凝於中。死矣。

脉四損者。再息而脉一動。人十息。脉五動。氣行七寸半。一備之。氣脉十動。氣行尺五寸。不及周身三百一十五節。故曰亡血亡血者。亡失其度。身羸疲。皮裏骨。故氣血俱盡。五臟失神。其死明矣。

脉五損者。人載息復一呼而脉一動。人十息。脉四動。氣行六寸。一備之。氣脉八動。氣行尺二寸。

不及周身三百二十四節。故曰絕。絕者氣急。不下床。口氣寒。脉俱絕。死矣。

岐伯曰。脉失四時者。爲至啓。至啓者。爲損至之脉也。損之爲言。少陰主骨。爲重。此至損也。飲食衰減。肌肉消者。是意損也。身安卧。卧不便利。耳目不明。是魄損也。呼吸不相通。五色不華。是魂損也。四肢皆見脉。爲亂。是神損也。大損三十歲。中損二十歲。下損十歲。損各以春夏秋冬。平人。人長脉短者。是大損。三十歲。人短脉長者。是中

損二十歲手足皆細。是下損十歲。失精氣者。一歲而損。男子左脉短。右脉長。是爲陽損半歲。女子右脉短。左脉長。是爲陰損半歲。春脉當得肝脉。反得脾脉之脉。損。夏脉當得心脉。反得腎肺之脉。損。秋脉當得肺脉。反得肝心之脉。損。冬脉當得腎脉。反得心脾之脉。損。當審切寸口之脉。知絕不絕。前後去爲絕。掌上相擊。堅如彈石。爲上脉虛盡。下脉尚有是爲有胃氣。上脉盡下脉堅如彈石爲有胃上下脉皆盡者死。不絕不消者皆生。是損

脉也。至之爲言。言語音沉。遠視憤憤。是志之至也。身體粗大。飲食暴多。是意之至也。語言妄見。手足相引。是魄之至也。龍蔥華色。是魂之至也。脉微小。不相應。呼吸自大。是神之至也。是至脉之法也。死生相應。病各得其氣者。生。十得其半也。黃帝曰。善

診脉動止投數疎數死期年月第六凡三條

脉一動一止。二日死。一經云一日死二動一止。三日死。三動一止。四日死。或五日死。四動一止。六日死。

五動一止。五日死。或七日死。六動一止。八日死。

七動一止。九日死。八動一止。十日死。九動一止。

九日死。又云十一日死。一經云。十日死。若立春日死。

十動一止。立夏死。一經云。立春死。十一動一止。夏至死。

一經云。立夏死。一經云。立秋死。十二動一止。立秋死。一經云。立

冬死。十四動一止。立冬死。一經云。立夏死。二十動一

止。一歲死。若立秋死。二十一動一止。二歲死。二

十五動一止。立冬死。一經云。一歲死。或二歲死。三十動一止。

二歲若三歲死。三十五動一止。三歲死。四十動

一止。四歲死。五十動一止。五歲死。不滿五十動。

一止。五歲死。

脈來五十投而不止者。五藏皆受氣。即無病。千金

方云。五行氣畢。陰陽數同。榮衛出入。經脈流通。晝夜百刻。五德相生。脈來四十投。

而一止者。一藏無氣。却後四歲春草生而死。脈

來三十投而一止者。二藏無氣。却後三歲麥熟

而死。脈來二十投而一止者。三藏無氣。却後二

歲。桑椹赤而死。脈來十投而一止者。四藏無氣。

歲中死。得節不動。出清明日死。遠不出穀雨矣。

脈來五動而一止者。五藏無氣。却後五日死。
脈一來而久住者。宿病在心。主中治。脈二來而
久住者。病在肝支。中治。脈三來而久住者。病在
脾下。中治。脈四來而久住者。病在腎間。中治。脈
五來而久住者。病在肺支。中治。五脈。病虛羸人
得此者死。所以然者。藥不得而治。針不得而及。
盛人可治。氣全故也。

診百病死生訣第七

凡六十九條

診傷寒熱盛。脈浮大者生。沉小者死。

傷寒已得汗。脈沉小者生。浮大者死。

溫病三四日以下不得汗。脈大疾者生。脈細小
難得者死。不治。

溫病穰穰大熱。其脈細小者死。千金穰穰
作時行

溫病下利。腹中痛甚者死。不治。

溫病汗不出。出不至足者死。厥逆汗出。脈堅強
急者生。虛緩者死。

溫病二三日。身體熱。腹滿頭痛。食飲如故。脈直
而疾者。八日死。四五日頭痛。腹滿而吐。脈來細

強十二日死。八九日頭不疼身不痛目不赤色
不變而反利。脉來牒牒按之不彈手。時大心下
堅十七日死。

熱病七八日脉不軟。

一作喘

不散

一作數者

當瘖瘖後

三日溫汗不出者死。

熱病七八日其脉微細小便不利。加暴口燥脉
代舌焦乾黑者死。

熱病未得汗脉盛躁疾得汗者生。不得汗者難

差

熱病已得汗脉靜安者生。脉躁者難治。

熱病已得汗常大熱不去者亦死。

大一作專

熱病已得汗熱未去脉來躁者慎不得刺治。

熱病發熱盛者其脉陰陽皆竭慎勿刺不汗出

必下利。

診人被風不仁痿痺其脉虛者生。緊急疾者死。

診癩病虛則可治實則死。

癩疾脉實堅者生。脉沉細小者死。

癩疾脉搏大滑者久久自已。其脉沉小急實不

可治小堅急亦不可療。

診頭痛目痛久視無所見者死

久視一作卒視

診人心腹積聚其脈堅強急者生虛弱者死又

實強者生沉者死其脈大腹大脹四肢逆冷其

人脈形長者死腹脹滿便血脈大時絕極下血

脈小疾者死

心腹痛痛不得息脈細小遲者生堅大疾者死

腸澼便血身熱則死寒則生

腸澼下白沫脈沉則生浮則死

腸澼下膿血脈懸絕則死滑大則生

腸澼之屬身熱脈不懸絕滑大者生懸澹者死

以藏期之

腸澼下膿血脈沉小流通者生數疾且大有熱

者死

腸澼筋攣其脈小細安靜者生浮大緊者死洞

洩食不化不得留下膿血脈微小連者生緊急

者死

洩注脈緩時小結者生浮大數者死

蠱蝕陰疰其脉虛小者生緊急者死

欬嗽脉沉緊者死浮直者生浮軟者生小沉伏

匿者死。

欬嗽羸瘦脉形堅大者死。

欬嗽脫形發熱脉小堅急者死肌瘦下脫形熱

不去者死。

欬而嘔腹脹且洩其脉絃急欲絕者死。

吐血衄血脉滑小弱者生實大者死。

汗出若衄其脉小滑者生大躁者死

唾血脉緊强者死滑者生

吐血而欬上氣其脉數有熱不得卧者死

上氣脉數者死謂其形損故也

上氣喘息低昂其脉滑手足温者生脉澁四肢

寒者死

上氣面浮腫肩息其脉大不可治加利必死一作

又甚

上氣汗液其脉虛寧寧伏匿者生堅强者死

寒氣上攻脉實而順滑者生實而逆澁則死大素

脈經 卷四 三
云寒氣暴上滿實何如曰實而滑則生實而逆則死矣其形盡滿何如曰卒形盡滿者脈急大堅尺滿而不應如是者順則生逆則死何謂順則生逆則死曰所謂順者手足溫也謂逆者手足寒也

瘳瘳脈實大病久可治脈懸上堅急病久不可

治

消渴脈數大者生細小浮短者死

消渴脈沉小者生實堅大者死

水病脈洪大者可治微細者不可治

水病脈閉其脈浮大軟者生沉細虛小者死

水病腹大如鼓脈實者生虛者死

卒中惡吐血數升脈沉數細者死浮大疾快者

生

卒中惡腹大四脈滿脈大而緩者生緊大而浮

者死緊細而微者亦生

病瘳腰脊強急瘳瘳者皆不可治

寒熱瘳瘳其脈代絕者死

金瘡血出太多其脈虛細者生數實大者死

金瘡出血脈沉小者生浮大者死

脈經 卷四
斫瘡出血一二石。脈來大二十日死。

斫刺俱有病多少。血出不自止者七日死。滑細

者生。其利刀斫瘡

從高頓仆內有血。腹脹滿其脈堅强者生。小弱

者死。其脈而短者生

人為百藥所中傷。脈浮澁而疾者生。微細者死

洪大而遲者生。千金遲作速

人病甚而脈不調者難差

人病甚而脈洪者易差

人內外俱虛。身體冷而汗出。微嘔而煩。擾手足

厥逆。體不得安靜者死。

脈實滿。手足寒。頭熱。春秋生。冬夏死。

老人脈微。陽羸陰强者生。脈焱大加息。一作如急者死

陰弱陽强。脈至而代。寄一作寄者死。

尺脈濇而堅。為血實氣虛也。其發病腹痛逆滿

氣上行。此為婦人胞中絕傷。有惡血久成結癥。

得病以冬時。黍稷赤而死。

尺脈細而微者。血氣俱不足。細而來有力者。是

穀氣不充病得節輒動。棗葉生而死。此病秋時得之。

左手寸口脉偏動。乍大乍小不齊。從寸口至關。關至尺三部之位。處處動搖各異不同。其人病仲夏得之。此脉桃花落而死。花一作葉

右手寸口脉偏沉伏。乍小乍大。朝來浮大。暮夜沉伏。浮大即太過。上出魚際。沉伏即下不至。關中往來無常。時時復來者。榆葉枯落而死。葉一作莢

右手尺部脉三十動一止。有頃更還二十動一

止。乍動乍疎。連連相因。不與息數相應。其人雖食穀猶不食。繁草生而死。

左手尺部脉四十動而一止。止而復來。來逆如循直木。如循張弓弦。絀絀然如兩人共引一索。至立冬死。千金作至立春而死

診三部脉虛實決死生第八 九二十六條

三部脉調而和者生

三部脉廢者死。

三部脉虛。其人長病得之死。虛而濇。長病亦死。

虛而滑亦死。虛而緩亦死。虛而弦急。癩病亦死。
三部脉實而大。長病得之死。實而滑。長病得之
生。卒病得之死。實而緩亦生。實而緊亦生。實而
緊急。癩病可治。

三部脉強非稱其人病便死。

三部脉羸非其人脉一作脉得之死。

三部脉羸長病得之死。卒病得之生。

三部脉細而軟。長病得之生。細而數亦生。微而
緊亦死。

三部脉大而數。長病得之死。

三部脉微而伏。長病得之死。

三部脉軟一作濡。長病得之。不治自愈。治之死。卒

病得之生。

三部脉浮而結。長病得之死。浮而滑。長病亦死。
浮而數。長病風得之生。卒病得之死。

三部脉芤。長病得之生。卒病得之死。

三部脉弦而數。長病得之生。卒病得之死。

三部脉革。長病得之死。卒病得之生。

三部脉堅而數。如銀釵股。蠱毒病必死。數而軟。蠱毒病得之生。

三部脉漑漑如羹上肥。長病得之死。卒病得之生。

三部脉連連如蜘蛛絲。長病得之死。卒病得之生。

三部脉如霹靂。長病得之死。三十日死。

三部脉如弓弦。長病得之死。

三部脉累累如貫珠。長病得之死。

三部脉如水淹然流。長病不治自愈。治之反死。

一云如水流者長病三十日死。如水不流者長病不治自愈。

三部脉如屋漏。長病十日死。千金云十四日死。

三部脉如雀啄。長病七日死。

三部脉如釜中湯沸。朝得暮死。夜半得日中死。口中得夜半死。

三部脉急切。腹間病。及婉轉。腹痛。針上下差。

脉經卷之四終

口中掛交半取。

三瀉瀉收釜中為煎。薄昏暮取。交半昏日中取。

三瀉瀉收。蜜和。是歲十日取。

三瀉瀉收。是歲十日取。四日取。千金云十

一云。水瀉。是歲十日取。不食自愈。

三瀉瀉收。水瀉。然。是歲不食自愈。食之。又取。

4. 11. 11

